

Marko AƧEmpa No

Osuboni Yohane AƧenka

¹ AƧEmpa a efa Yesu Kristo, Onyankopɔn Ba no ho no mfiase ni. ² WɔakyereƱ wɔ Odiyifo Yesaia nhoma no mu se,

“Mɛsoma me bɔfo adi w’anim kan.

Ɔno na obesiesie ɔkwan ama wo.”

³ “Obi nne reteƱ mu wɔ sare so,

‘Munsiesie ɔkwan mma Awurade,

mommɔ akwan a eteƱ mma no.’”

⁴ Enti Yohane ba beɔɔ asu wɔ sare so, ɔkaa adwensakra asubɔ a ema bɔnefakye ho aƧem. ⁵ Nnipa fifi Yerusalem ne Yudea nkurow nyinaa so kohuu Yohane tiee no. Na wɔkaa wɔn bɔne kyerɛɛ no no, ɔbɔɔ wɔn asu wɔ Asubɔnten Yordan mu. ⁶ Na Yohane hyɛ atade a wɔde yoma nwi na apam a aboa nhoma abɔso nso bɔ mu. Na n’aduan ye mmoadabi ne ɛwo. ⁷ Ɔrekyerɛkyere no, ɔkae se, “Ɛrenkyɛ koraa, obi beba a ɔwɔ tumi sen me, a ne mpaboa hama mpo, mense Ʊ mekotow na masan. ⁸ Me de, mede nsu na ɛbɔ mo asu, na ɔno de, ɔde Honhom Kronkron na ebeɔ mo asu!”

Yesu Asubɔ Ne Ne Sɔhwɛ

⁹ Saa bere no mu na Yesu fi Nasaret a ɛwɔ Galileaman mu ba maa Yohane bɔɔ no asu wɔ asubɔnten Yordan mu.

¹⁰ Yesu fii asu no mu sii konkɔn so ara pɛ, ohuu Ʊ ɔsoro abue, na Honhom Kronkron resian Ʊ aborɔnoma aba ne so. ¹¹ Na nne bi fi ɔsoro kae se, “Wone me Dɔba a wosɔ m’ani.”

¹² Ɛhɔ ara, Honhom Kronkron de Yesu kɔɔ sare so.

¹³ Ɔtenaa hɔ adaduanan a na wuram mmoa na ɛka ne ho.

Ɛhɔ na ɔbonsam sɔɔ no hwɛɛ. Akyiri no, abɔfo ba bɛsom no.

¹⁴ Ɖhene Herode kyeree Yohane akyi no, Yesu kɔɔ Galilea kɔkaa asɛmpa no wɔ hɔ. ¹⁵ Ɖkae se, **“Bere no awie du! Onyankopɔn ahenni no abɛn. Monsakra mo adwene na munnye asɛmpa no nni!”**

Yesu Bɔ Asɛmpa No Ho Amanneɛ

¹⁶ Da bi a Yesu nam Galilea mpoano no, ohuu Simon ne ne nua Andrea sɛ wɔregu asau. ¹⁷ Yesu frɛɛ wɔn se, **“Mummedi m’akyi! Na mɛma mo ayɛ nnipayifo.”** ¹⁸ Ɛhɔ ara, wogyaw wɔn asau no guu hɔ kodii n’akyi.

¹⁹ Ɖkɔɔ n’anim kakra no, ohuu Sebedeo mma baanu a wɔfrɛ ɔbaako Yohane, na ɔbaako nso de Yakobo, sɛ wɔte ɔkorow mu reyɛ wɔn asau ho adwuma. ²⁰ Ɖfrɛɛ wɔn nso se wommedi n’akyi. Ntɛm ara na wogyaw wɔn agya Sebedeo ne n’apaafɔ hɔ wɔ ɔkorow no mu bedii n’akyi.

Yesu Tu Honhommɔne

²¹ Yesu ne n’akyidifo yi beduu Kapernaum. Na Homeda duu no, ɔkɔɔ asɔredan mu kɔkaa asɛmpa no. ²² Nnipa no tee asɛm no maa wɔn ho dwiriw wɔn, efisɛ ɔkasaa te sɛ obi a ɔwɔ tumi, na mmom wankasa sɛ Kyerɛwɛm no akyerɛkyerɛfo no. ²³ Amono mu hɔ ara na ɔbarima bi a ɔwɔ wɔn hyiadan no mu hɔ a ɔwɔ honhommɔne teɛɛ mu se, ²⁴ “Ɖɛn na wo Nasareni Yesu ne yɛn wɔ yɛ? Woaba sɛ worebɛsɛe yɛn ana? Minim wo sɛ wone Onyankopɔn Ba Kronkron no!”

²⁵ Yesu teɛteɛɛ honhommɔne no se, **“Mua w’ano! Fi ne mu kɔ!”** ²⁶ Honhommɔne no wosow saa ɔbarima no na ɔteɛteɛɛ mu dennen maa ne tu kɔɔ.

²⁷ Nnipa no nyinaa ho dwiriw wɔn ma wobisabisaa wɔn ho wɔn ho se. “Nkyerɛkyerɛ foforo bɛn ni? Ahonhommɔne mpo tie ne nne!” ²⁸ Saa anwonwade a ɔyɛe yi ho nsɛm trɛw faa Galileaman mu nyinaa.

Yesu Sa Nyarewa

²⁹ Wofii hyiadan no mu no, wɔne Yakobo ne Yohane kɔɔ Simon ne Andrea fi. ³⁰ Na Simon asebea da mpa so a atiridii akyere no, na wɔkaa ne ho asɛm kyerɛɛ Yesu. ³¹ Yesu kɔɔ faako a ɔda hɔ kosoo ne nsa ma ɔsɔre tenaa ase. Eɛhɔ ara na atiridii no tu fii ne so ma ofii ase twɛn wɔn.

³² Eduu anwummere no, nnipa no de ayarefo ne wɔn a wɔwɔ ahonhommɔne brɛɛ Yesu sɛ ɔnsa wɔn yare. ³³ Kurow mu no nyinaa bɛboaa wɔn ho ano wɔ ofi no abobow ano, ³⁴ na Yesu saa ayarefo bebreɛ yare. Otuu ahonhommɔne bebreɛ nso. Nanso, wamma ahonhommɔne no ankasa, efisɛ, na wonim no.

Yesu Twee Ne Ho Kɔbɔɔ Mpaɛ

³⁵ Ahemadakyɛ a na anim ntetewee no, Yesu sɔre fii fie hɔ kɔɔ baabi a eɛhɔ yɛ dinn, kɔbɔɔ mpaɛ wɔ hɔ. ³⁶ Simon ne wɔn a wɔka ne ho fii adi kɔhwɛhwɛɛ no, ³⁷ na wohuu no no, wɔtɛɛɛ mu kae se, “Nnipa bebreɛ rehwehwe wo!”

³⁸ ɔka kyerɛɛ wɔn se, “**Esɛ** sɛ yɛkɔ nkurow a aka no so, na mekɔka m’asɛm kyerɛ wɔn, efisɛ, eno nti na mebae.” ³⁹ Enti, ɔkɔɔ Galileaman mu baabiara kɔkaa asɛmpa no wɔ asɔredan mu, tuu ahonhommɔne bebreɛ nso.

Yesu Sa ɔkwatani Bi Yare

⁴⁰ ɔkwatani bi bɛkotow no srɛɛ no sɛ, “Sɛ eyɛ wo pɛ a, wubetumi ama me ho afi.”

⁴¹ Yesu huu ɔkwatani no mmɔbɔ, enti ɔde ne nsa kaa no kae se, “**Mepɛ!** Wo ho mfi!” ⁴² Amono mu hɔ ara, ne ho fi maa ne ho tɔɔ no!

⁴³ Yesu bɔɔ n’ano denneennen se, ⁴⁴ “**Nka saa asɛm** yi nkyerɛ obiara, na mmom fa wo ho kɔkyerɛ ɔsɔfo. Sɛ worekɔ a fa w’afɔrebɔde a Mose ahyɛ sɛ akwatafo a wɔasa wɔn yare mfa nka wɔn ho nkɔ no ka wo ho kɔ sɛnea ebɛma obiara ahu sɛ wo ho atɔ wo.” ⁴⁵ Nanso

ɔrekɔ no nyinaa, na ɔde nteɛteɛmu rebɔ n'ayaresa no ho dawuru. Esiane eyi nti sɛ Yesu kɔ baabiara a, nnipadɔm betwa ne ho hyia. Eno nti na baabiara a ɔbɛkɔ no onnyi ne ho adi. Enti ɔtenaa sare so hɔ maa nnipa bebree baa ne nkyɛn.

2

Yesu De Obubuafo Bi Bɔne Kyɛ No Sa No Yare

¹ Nna bi akyi no, Yesu kɔɔ Kapernaum bio. Oduu hɔ no nnipa pii tee sɛ waba hɔ. ² Ankyɛ na nnipa bebree bɛhyɛɛ ofi a na ɔwɔ mu no mu ma tɔ. ɔkaa asɛmpa no kyerɛɛ wɔn. ³ Mmarima baanan bi de obubuafo bi a wɔso no baa hɔ. ⁴ Esiane sɛ na wontumi mfa nnipadɔm no mu nkɔ Yesu nkyɛn no nti, wɔforoo ɔdan a Yesu wɔ mu no, kotuu tokuru wɔ atifi. Wɔde obubuafo a ɔda ne kɛtɛ so no faa mu, gyaagyaa no brɛoo de no kɔtoo Yesu anim. ⁵ Yesu huu wɔn gyidi a wɔwɔ wɔ ne mu no, ɔka kyerɛɛ ɔyarefo no se, “**ɔba**, wɔde wo bɔne akyɛ wo!”

⁶ Kyerɛwɛɛm no akyerɛkyerɛfo a wɔwɔ hɔ no tee nea Yesu kae no, wɔdwenee wɔ wɔn tirim ⁷ se, “Asɛm bɛn na ɔreka yi! Abususɛm na ɔreka yi! Osusuw sɛ ɔyɛ Onyankopɔn? Onyankopɔn nko na otumi de bɔne kyɛ.”

⁸ Mpofirim na Yesu huu wɔn adwene ma obisaa wɔn se, “**Adɛn** na moma asɛm a mekae yi haw mo? ⁹ **Nea** ɛwɔ he na ɛyɛ mmerɛw: sɛ wɔbɛka akyerɛ obubuafo yi se, ‘Wɔde wo bɔne akyɛ wo,’ anaa wɔbɛka se, ‘Sɔre, fa wo kɛtɛ na nantew?’ ¹⁰ **Nanso** sɛnea ɛbɛyɛ na mubehu sɛ Onipa Ba no wɔ tumi wɔ asase so sɛ ɔde bɔne kyɛ,” Enti ɔka kyerɛɛ obubuafo no se, ¹¹ “**Mise wo sɛ**, sɔre gyina hɔ, fa wo kɛtɛ, na kɔ fie.” ¹² Obubuafo yi sɔre bobɔw ne kɛtɛ, na ɔde anigye ne ahosɛpɛw faa nnipadɔm no mu kɔe. Nnipa no ho dwiriw wɔn ma wɔkamfoo Onyankopɔn se, “Yenhuu eyi bi da!”

Yesu FrE Lewi Na Ɔne Nnebɔneyɛfo Didi

¹³ Yesu san kɔɔ mpoano hɔ bio, na ɔkaa asɛmpa no kyerɛɛ nnipakuw a wɔahyia wɔ hɔ no. ¹⁴ Bere a ɔnam mpoano hɔ no, ohuu Alfeo ba Lewi sɛ ɔte atowgyei. Ɔka kyerɛɛ no se, **“Di m’akyi.”** Na Lewi sɔre dii n’akyi.

¹⁵ Saa anadwofa no, Lewi too pon, too nsa frɛɛ ne mfɛfo towgyefo ne nnebɔneyɛfo bi sɛ wɔmmra na ɔne wɔn ne Yesu ne n’asuafo no nto nsa nnidi. Nnipa a wodii Yesu akyi no bi te sɛ Lewi ara pɛ. ¹⁶ Farisifo no huu sɛ ɔne nnebɔneyɛfo ne towgyefo ato nsa redidi no, wobisaa n’asuafo no se, “Adɛn nti na ɔne towgyefo ne nnebɔneyɛfo to nsa didi?”

¹⁷ Yesu tee nea wɔkae no, obuaa wɔn se, **“Wɔn a wɔwɔ ahɔɔden no, ɔyaresafo ho nhia wɔn, na wɔn a wɔyare no na ɔyaresafo ho hia wɔn. Mamma sɛ merebɛka akyerɛ atreneefo sɛ wɔnsakra wɔn adwene na mmom, nnebɔneyɛfo.”**

Wobisa Yesu Asɛm Fa Mmuadadi Ho

¹⁸ Da bi a Osuboni Yohane akyidifo ne Farisifo no redi mmuada no, nnipa bi kɔɔ Yesu nkyɛn kobisaa no se, “Adɛn nti na Yohane ne Farisifo no akyidifo di mmuada na w’akyidifo de, wonni mmuada?”

¹⁹ Yesu nso bisaa wɔn se, **“Moahu ayeforokunu nnamfo a wɔbɛba ayeforo ase a wɔbɛka se, wɔredi mmuada nti wɔrennidi ana? Mmere dodow a wɔne ayeforokunu no nam no de, wɔrenni mmuada da.** ²⁰ **Na da bi bɛba a, wɔbɛfa ayeforokunu no afi wɔn nkyɛn.** Saa bere no na wobedi mmuada.

²¹ **“ɛte sɛ wode ntama foforo atare ntama dedaw mu. Dɛn na ɛba? Ntaremu no bɛtew ntama dedaw no mu, na ayi afi mu, na ama tokuru a ɛda hɔ no aso asen kan de no.**

²² **Munim sɛ wɔmfɛ nsa foforo ngu aboa nhoma nkotoku dedaw mu. Anyɛ saa a, ɛbɛpae. Nsa no behwie agu, na**

nkotoku a nsa no wɔ mu no nso bepaapae. Eɛe sɛ wɔde nsa foforo gu nkotoku foforo mu.”

Yesu Yɛ Homeda Wura

²³ Homeda bi a Yesu ne n’asuafo nam aburofufuw bi mu no, suafo no pempan aburow no bi wee. ²⁴ Farisifo no bi ka kyerɛɛ Yesu se, “Hwɛ, adɛn na wɔreyɛ nea etia mmara Homeda?”

²⁵ Yesu nso bisaa wɔn se, “**Monnkenkan nea ɔhene Dawid yɛɛ**, bere a ɔkɔm dee ɔne wɔn a na wɔka ne ho no, ²⁶ **ne sɛ**nea ɔkɔɔ Onyankopɔn fi wɔ ɔsɔfopanyin Abiatar bere so, na ɔne wɔn a wɔka ne ho kodii brodo a wɔde abɔ afɔre ama Onyankopɔn no, a obiara nni ho kwan sɛ odi, gye asɔfo nko ara no pɛ? Na ɛno nso tia mmara.

²⁷ “**Onipa nti na wɔyɛɛ** Homeda, na ɛnyɛ Homeda nti na wɔbɔɔ onipa. ²⁸ **Enti Onipa Ba no yɛ** Homeda so wura mpo!”

3

Yesu Sa Yare Homeda

¹ Yesu baa Kapernaum no, ɔkɔɔ hyiadan mu bio. Oduu hɔ no, ohuu ɔbarima bi a ne nsa baako awu. ² Na saa da no yɛ Homeda enti na Yesu atamfo no retetɛw no ahwɛ sɛ ɔbesa ɔbarima no yare ana. Na wɔabɔ wɔn tirim sɛ, sɛ ɔsa no yare a wɔbɛkyere no! ³ Yesu ka kyerɛɛ ɔbarima no se ommegyina nnipa no anim.

⁴ ɔdan ne ho kyerɛɛ n’atamfo no bisaa wɔn se, “**Eye sɛ** obi yɛ papa Homeda? Anaase ɛyɛ da a wɔde yɛ bɔne? ɛyɛ da a wɔde gye nkwa anaa wɔma obi nkwa hwere no” Nanso wɔammua no.

⁵ ɔde abufuw hwɛɛ wɔn hyiae. ɛhaw no sɛ wonni ahummɔbɔ mma nnipa enti ɔka kyerɛɛ ɔbarima no se, “**Teɛ** wo nsa no mu.” ɔteɛɛ mu na amono mu hɔ ara, ne nsa no yɛɛ yiye. ⁶ Farisifo no kohyiaa Herodefo no ne wɔn susuw ɔkwan a wɔbɛfa so akum Yesu no ho.

Dòm Tu Di Yesu Akyi

⁷ Yesu ne n'asuafo no fii hɔ kɔɔ mpoano. Nnipadòm fifi Galilea, Yudea, Yerusalem, ⁸ Idumea, Asubɔnten Yordan agya, Tiro ne Sidon fam nyinaa, tu dii Yesu akyi. Efise na n'anwonwade a ɔye no atrɛw mmaa nyinaa enti na ebinom pe se wɔbɛhwɛ no. ⁹ Ɔka kyerɛɛ n'asuafo no se, wɔmpɛ ɔkorow bi nsi nkyɛn baabi, na se nnipadòm no kyere ne so wɔ mpoano hɔ a, watena mu akɔ. ¹⁰ Da no, na wasa nyarewa bebree a ne saa nti na ayarefo no ba ara na wɔreba a wɔpɛɛ se wɔde wɔn nsa ka n'atade. ¹¹ Bere biara a wɔn a wɔwɔ ahonhommɔne no bi behu no no, wotwa hwe fam, wosow biribiri, ka se, "Woyɛ Onyankopɔn Ba." ¹² Nanso ɔbɔɔ wɔn ano se, wɔnkyerɛ onipa ko a ɔye.

Yesu Paw Asuafo Dumien No

¹³ Yeau kɔɔ bepɔw so na ɔfrɛɛ wɔn a wayi wɔn no baa ne nkyɛn. ¹⁴ Oyii wɔn mu dumien a daa wɔne no bɛnantew, na wɔakɔka asɛmpa no, ¹⁵ na wɔatu ahonhommɔne nso.

¹⁶ Dumien a oyii wɔn no din ni:

Simon, a ɔtoo no din foforo Petro.

¹⁷ Sebedeo mma Yakobo ne Yohane, a ɔtoo wɔn din Boanerges, a ase ne "aprannaa mma".

¹⁸ Wɔn a wɔka ho nso ni: Andrea,

Filipo,

Bartolomeo,

Mateo,

Toma,

Alfeo ba Yakobo,

Tadeo ne

Simon ɔmanyɛfo,

¹⁹ na Yuda Iskariot a oyii no mae no.

²⁰ Ɔsan baa ofi a Ɔte mu no mu no, nnipakuw bi san baa ne so bio. Ankyɛ koraa na hɔ nyinaa yɛɛ ma a onnya kwan koraa nnidi. ²¹ Ne fifo tee asɛm a aba no, wɔkɔɔ hɔ sɛ wɔrekɔfa no akɔ wɔn fi efisɛ wɔkae se, “Ne ti mu ka no.”

Yesu Ka Nyaatwomfo Anim

²² Kyerɛwɛm no akyerɛkyerɛfo a wofi Yerusalem bae no kae se, “Beelsebul a ɔyɛ ahonhommɔne panyin no afa no, na ɔnam saa tumi no so na otu ahonhommɔne no.”

²³ Yesu frɛɛ wɔn kasa kyerɛɛ wɔn abebu mu se, “**ɛbɛyɛ dɛn** na Satan betumi atu Satan? ²⁴ **Ahenni biara a** ɛne ne ho di asi no begu. ²⁵ **Saa ara na ofi biara a** ɛne ne ho di asi no nnyina ara ne no. ²⁶ **Na sɛ** Satan twa ne ho ne ne ho di asi a, ɛbɛyɛ dɛn na watumi adi nkonim? Obedi nkogu. ²⁷ **Obiara ntumi nkɔ** ɔhoɔdenfo fi nkɔfa ne nneɛma kwa, agye sɛ, onii no di kan kyekyere ɔhoɔdenfo no, ansa na watumi afa ne nneɛma. ²⁸ **Mereka akyerɛ** mo se, bɔne a onipa ayɛ biara no, wotumi de kyɛ no, na mpo obi ka abususem tia me a, wotumi de kyɛ no; ²⁹ **nanso nea** ɔka abususem tia Honhom Kronkron no de, wɔremfa nkyɛ no da. ɛyɛ bɔne a ɛrempepa da.”

³⁰ Ɔkaa saa asɛm yi efisɛ na wɔka se, “Ɔwɔ honhommɔne.”

Yesu Na Ne Ne Nuanom

³¹ Ogu so rekyerɛkyerɛ no, ne na ne ne nuanom begyinaa nnipadɔm no mu baabi somaa obi se, ɔnkɔfrɛ no mmra, na wɔne no nkasa. ³² Saa bere no na nnipadɔm no atwa ne ho ahyia. Nnipa no ka kyerɛɛ Yesu se, “Wo na ne wo nuanom gyina afikyiri hɔ pɛ sɛ wɔne wo kasa.”

³³ Yesu bisaa wɔn se, “**Hena ne me na? Hefo ne me nuanom?**”

³⁴ Ɔhwɛɛ nnipadɔm no hyia kae se, “**Eyinom ne me na ne me nuanom!**” ³⁵ **Obiara a** ɔbɛyɛ Onyankopɔn apɛde no, ɔno ne me nuabarima ne me nuabea ne me na.”

4

Ogufo Ho Bɛ

¹ Bere a ugu so rekyerɛkyerɛ no, nnipadɔm san betwaa ne ho hyiaa wɔ mpoano hɔ. Eyi nti ɔkɔtenaa ɔkorow mu toaa ne kyerɛkyerɛ no so. ² Na sɛnea ɔyɛ daa no, ɔnam mmebu so kyerɛɛ wɔn nneɛma bebreɛ se: ³ “**Muntiel! Okuafo bi kɔɔ** n’afum koguu aba. Ogu so regu aba no, ⁴ **Ogu so regu aba no, aba no bi guu kwankyɛn** maa nnomaa bɛsosɔw ne nyinaa dii. ⁵ **Ebi nso koguu** ɔbotan a ɔte a ɛwɔ so no nnɔɔso so. ⁶ **Ankyɛ** na efifii, nanso esiane sɛ ɔte a ɛwɔ ɔbotan no so no nnɔɔso no nti owia bɔɔ so, na ne nyinaa hyewee. ⁷ **Aba no bi nso guu nsɔɛ** mu maa nsɔɛ no kyekyeree no nti antumi ansow aba. ⁸ **Aba no bi nso guu asase pa mu maa bi nyin sow mmɔho** aduasa, ebi aduosia, na afoforo nso mmɔho ɔha.”

⁹ Na Yesu kae se, “**Nea** ɔwɔ aso no ntiel!”

¹⁰ Akyiri no a ɛkaa ɔne dumien no ne asuafo afoforo bi no, wobisaa no se, “Asɛm a wokae no ase ne dɛn?” ¹¹ Obuaa wɔn se, “**Mo de, wɔ**ada Onyankopɔn Ahenni ho ahintasɛm adi akyerɛ mo. Nanso afoforo de, wɔka no abebu mu na ɛkyerɛ wɔn. ¹² **Esiane saa nti,** “**Wohu na wɔ**te, nanso wɔrente nea wɔte no ase, **na wɔ**rennan mma Onyankopɔn nkyɛn, **na wɔ**remfa wɔn bɔne nso nkyɛ wɔn.’”

¹³ “**Na sɛ** moante saa bɛ yi ase a, ɛbɛyɛ dɛn na moate mmɛ ahorow a merebebu no ase? ¹⁴ **Okuafo no asɛm** no. ¹⁵ **Aba a eguu kwankyɛn** no gyina hɔ ma wɔn a wɔte Onyankopɔn asɛm, nanso sɛ wɔte asɛm no a ntɛm ara na ɔbonsam ba wɔn nkyɛn ma wɔn werɛ fi nea wɔate no nyinaa. ¹⁶ **Aba a eguu** ɔbotan so no gyina hɔ ma nnipa a

wɔde anigye tie aSEM no. ¹⁷ **Nanso wɔte sɛ** aba a afifi foforo a ne ntin nkɔ fam. Mfiase no wɔkɔ so fɛfɛfɛ, nanso sɛ ɛba sɛ aSEM no nti ɔtaa anaa amanehunu bi to wɔn pɛ a na wɔpa abaw. ¹⁸ **Aba a eguu nsɔe** mu no nso gyina hɔ ma nnipa a wɔte aSEMpa no, ¹⁹ **nanso** ɛnkyɛ koraa na wiase yi mu afɛfɛde ne ahonyade ne ɔbra yi mu dadwen, nnaadaa ne nneɛma bi ho akɔnnɔ abɛhyɛ wɔn koma mu. Eyi nti aSEM no ntumi nsow aba biara. ²⁰ **Nnipa no bi te sɛ** aba a wogu wɔ asase pa mu, wɔte aSEM no, wogyɛ, na wɔsow aba— bi mmɔho aduasa, bi nso sow aduosia, na afoforo nso sow ɔha.”

Kanea So Mfaso

²¹ Afei Yesu bisaa wɔn se, **“Moahu obi a** ɔsɔ kanea na ɔde hyɛ mpa ase, anaasɛ ɔde ahina butuw so? Mmom mommfa nsi ne dua so ana? ²² **Wɔbɛda** nea ahintaw biara no adi, na nea wɔakata so biara no wɔde bepue gua.

²³ **Nea** ɔwɔ aso a obetie no, ma ontie!

²⁴ **“Momfa aSEM** a mote no nyɛ adwuma. Wɔde mo susukuruwa besuw ama mo, na ama aboro so mpo.

²⁵ **Nea** ɔwɔ no, wɔbɛma no bi aka ho; nea onni no, kakraa bi a ɔwɔ no mpo, wobegye afi ne nsam.”

Aba A Erenyin Ho Abebu

²⁶ ɔkaa bio se, **“Sɛnea** Onyankopɔn Ahenni no te ni: Okuafo bi gu aba wɔ asase bi so. ²⁷ **Awia ne anadwo, sɛ** ɔda o, sɛ onyan o, aba no fifi a onnim sɛnea ɛyɛɛ a enyinii. ²⁸ **Asase no ankasa bɔ** n’aduan, dua no na edi kan, afei etu mɛpɛsɛɛ na abɔ ama aba no anyin. ²⁹ **Sɛ** aba no nyin wie a, okuafo no fa ne dade kotwa, efisɛ otwa bere adu.”

Onyaa Aba Ho Bɛ

³⁰ ɔsan kae se, **“Dɛn** ho na yɛde ɔsoro Ahenni no bɛto, anaa mmebusɛm bɛn na yɛde bɛkyerɛkyerɛ mu? ³¹ **ɛte** sɛ onyaa aba, a ɛyɛ ketewaa wɔ aba a wodua nyinaa mu.

³² Na sE wodua a enyin yE kEse sen nnua a aka no nyinaa, eyiyi mman akEse ma wim nnomaa besisi ne nwini mu.”

³³ Mmebu a Etete sE eyinom na Yesu de kaa aSEM no kyerEE wɔn, sEnea wobetumi ate ase. ³⁴ Onam mmebu so na okasa kyerEE wɔn a wobetiee no no nyinaa, na sE Eka one n’asuafɔ no nko a, okyerE wɔn ne nyinaa ase.

Yesu BrE Ahum Ase

³⁵ Eduu anwummere no, Yesu ka kyerEE n’asuafɔ no se, “**Momma yentwa nkɔ** asuogya nohɔ.” ³⁶ Okaa saa no, wogyaw nnipadɔm no hɔ na one wɔn kɔe a akorow afɔforo di wɔn akyi. ³⁷ Preko pE, ahum kEse bi tu maa asorokye bu bEkataa okorow no so ma eyEE sE Eremem. ³⁸ Saa bere no, na Yesu wɔ okorow no to de ne ti ato sumii so ada. Asuafɔ no de ahopopo ne nteEteE mu konyan no kae se, “KyerEkyerEfo, yEreyE amem yi emfa wo ho?”

³⁹ Osɔre teEteEE mframa no ka kyerEE po no se, “YE komm!” Mframa no gyaae, na po no yEE komm!

⁴⁰ Yesu bisaa wɔn se, “AdEn na moyE ahufɔ sEE? Moda so nni gyidi ara?”

⁴¹ Na wɔn ho dwiriw wɔn yiye, bisabisaa wɔn ho wɔn ho se, “Onipa bEn ni a mframa ne po mpo tie no yi?”

5

Yesu Sa Obarima Bi A Owɔ Ahonhommone Yare

¹ Yesu ne n’asuafɔ no twaa otare no koduu Gerasefo asase so. ² Oresi afi okorow no mu no, obarima bi a ahonhommone wɔ ne mu de mmirika fi amusiei behyiaa no. ³ Na saa obarima yi te abonna mu a obiara ntumi mfa nkɔnsɔnkɔnsɔn nkyekyere no bio. ⁴ OyE obi a na ne ho yE den yiye nti, sE wɔde nkɔnsɔnkɔnsɔn gu ne nsa mpo a, otumi bubu mu a obiara ntumi nkɔ n’anim. ⁵ Anadwo ne awia nyinaa na onenam amusiei hɔ mmepɔw no mu a, ɔde abo a ano yE nam twitwa ne ho.

⁶ ɔbarima yi huu Yesu wɔ akyirikyiri no, otuu mmirika, bebuu no nkotodwe. ⁷ ɔteeteɛɛ mu se, “Yesu, ɔsorosoro Nyankopɔn no Ba, dɛn na wowɔ ne me yɛ? Onyankopɔn din mu, nyɛ me ayayade biara!” ⁸ Yesu teɛɛ honhommɔne a ɛwɔ ɔbarima no mu no se, “**Honhommɔne**, fi ne mu kɔ!”

⁹ Yesu bisaa no se, “**Wɔfrɛ** wo dɛn?”

Obuaa Yesu se, “Me din de ‘Dɔm’ efise yɛdɔɔso.” ¹⁰ Afei ɔsrɛɛ Yesu anibere so sɛ ɔmpam wɔn nnkɔ akyirikyiri.

¹¹ Saa bere no na mprakokuw bi redidi wɔ bepɔw no nkyɛn baabi a ɛbɛn po no. ¹² Enti ahonhommɔne no srɛɛ Yesu se, “Tu yɛn na yɛnkɔhyɛ mprako no mu.”

¹³ Yesu maa wɔn ho kwan ma wɔkɔhyɛɛ mprako no mu. Mprakokuw bɛyɛ mpɛnu no de ahɔɔhare sian bepɔw no koguu po no mu ma ɛfaa wɔn.

¹⁴ Mprakohwɛfo no guan baa nkurow a ɛbɛn hɔ no mu bɛkaa nea wɔahu no kyerɛɛ wɔn. Wɔn a wɔtee no kɔhwɛɛ nea asi no. ¹⁵ Nnipakuw no duu faako a Yesu wɔ no wohuu ɔbarima a na honhommɔne ahyɛ no ma no sɛ ɔte hɔ dinn a n’adwene mu atew no. Eyi maa wɔn ho dwiriw wɔn. ¹⁶ Wɔn a wohuu aɛm a asi no ka kyerɛɛ afoforo. ¹⁷ Afei nnipakuw no fii ase srɛɛ Yesu se, omfi wɔn man mu nkɔ!

¹⁸ Yesu refoɔ ɔkorow akɔtena mu no, ɔbarima a na honhommɔne wɔ ne mu no srɛɛ Yesu sɛ ɔpɛ sɛ ɔne no kɔ. ¹⁹ Nanso Yesu kae se, “**Dabi, na kɔ** na kɔka anwonwade a Onyankopɔn ayɛ ama wo yi ne n’ahummɔbɔ ho aɛm kyerɛ w’abusuafo.” ²⁰ Enti ɔbarima no fi hɔ kɔɔ Dekapoli, “Nkurow Du” no a ɛwɔ saa ɔmantam no mu no mu kɔkaa anwonwade a Yesu ayɛ ama no no kyerɛɛ obiara. Wɔtee aɛm no wɔn ho dwiriw wɔn.

ɔbea Bi Ayaresa Ne Abeawa Bi Nyan

²¹ Yesu de ɔkorow no twa baa po no fa baabi no, nni-pakuw betwaa ne ho hyiaa wɔ mpoano hɔ. ²² Asafpanyin

a na wɔfrɛ no Yairo baa hɔ na ohuu Yesu no obuu nkotodwe, ²³ srɛɛ no se ɔnsa ne babea yare mma no. Ofi ahoyeraw mu ka kyerɛɛ Yesu se, “Abofra no rewu, enti mesrɛ wo sɛ, fa wo nsa bɛka no na onya nkwa.” ²⁴ Yesu ne no kɔɛ a nnipakuw no di wɔn akyi.

²⁵ Na ɔbea bi a watu mogya mfe dumien ka nnipakuw no ho. ²⁶ ɔde ne yare no akyin ayaresafo bebree so, atua sika bebree ama wayɛ ohiani, nanso na ne ho ntɔ no ara. ²⁷ Na wate anwonwade a Yesu ayɛ no nyinaa, na ɛno nti ɔde ne ho fraa nnipakuw no, de ne nsa besoo Yesu atade mu no. ²⁸ ɔdwenee ho kae se, “Sɛ mitumi nya ne ho kwan, de me nsa so n’atade mu kɛkɛ a, me ho bɛtɔ me.” ²⁹ Ampa ara, so a osoo n’atade no mu pɛ na mogya no twa maa ne ho tɔɔ no.

³⁰ Amono mu hɔ ara, Yesu tee nka sɛ tumi bi afi ne mu. ɔdan ne ho kyerɛɛ nnipakuw no bisae se, “**Hena na osoo m’atade mu no?**”

³¹ N’asuafo no buae se, “Saa nnipakuw a obiara de ne ho twitwiw ne yɔnko yi na worebisa se, ‘**Hena na ɔde ne nsa aka m’atade?**’”

³² Nanso ɔpɛɛ sɛ ohu onipa ko a osoo n’atade mu no. ³³ Bere a ɔbea no huu asɛm a asi no, ɔde ahopopo bebuu Yesu nkotodwe kaa nea ɔyɛɛ no kyerɛɛ no. ³⁴ Yesu ka kyerɛɛ no se, “**ɔbabea, wo gyidi ama wo ho atɔ wo; fa asomdwoe kɔ; wo yare no agyae.**”

Yairo Babea No Nyan

³⁵ Ogu so rekasa akyerɛ ɔbea no, abɔfo fi Yairo fi bɛkae se, “Wo babea no awu; adɛn na woda so haw kyerɛkyerɛfo no?”

³⁶ Yesu antie nea na wɔreka no koraa, na ɔka kyerɛɛ Yairo se, “**Nsuro, gye di ara.**”

³⁷ Afei, Yesu amma obiara anni n’akyi ankɔ Yairo fi hɔ, gye Petro, Yakobo ne Yohane. ³⁸ Bere a Yesu duu

hɔ no, ohuu sɛ hɔ nyinaa ayɛ manyamanya a nnipa retwa agyaadwo. ³⁹Ɔkɔɔ ofi no mu ne wɔn a wɔwɔ hɔ no kɔkasae. Obisaa wɔn se, “Adɛn ne agyaadwotwa ne gyegyeege yi? Abofra no nwui; nna na wada!” ⁴⁰Wɔn a wɔwɔ hɔ no tee aɛm a Yesu kae no, wɔserew no.

Yesu ka kyerɛɛ wɔn a wɔwɔ fie hɔ no se, wɔn nyinaa mfi adi. Ɖne abofra no agya ne ne na ne n’asuafo baasa no kɔɔ nea abofra no da hɔ. ⁴¹Osoo abofra no nsa kae sɛ, “*Talita, Kuum!*” a ase ne sɛ “*Abaawa, mise wo sɛ sɔre!*” ⁴²Amono mu hɔ ara, abeawa no sɔree, na ofii ase nantewee (na wadi mfe dumien). Aɛm a esii yi maa wɔn ho dwiriw wɔn yiye. ⁴³Yesu bɔɔ wɔn ano ketee sɛ wɔnnka aɛm a asi no nkyerɛ obiara, na mmom, wɔmma abofra no aduan nni.

6

Odiyifo A Onni Anuonyam

¹ Yesu fi faako a ɔwɔ hɔ kɔɔ ne kurom a n’asuafo no ka ne ho. ²Ɔkɔɔ hyiadan mu Homeda, fii ase kyerɛkyerɛ maa dodow a wobetiee no ho dwiriw wɔn.

Wobisae se, “Ehe na saa onipa yi nyaa saa nneɛma yi, dɛn nyansa na wɔde ama no a nti otumi yɛ anwonwade yi? ³ɛnyɛ duadwumfo no ni? ɛnyɛ Maria babarima a ne nuanom ne Yakobo, Yosef, Yuda ne Simon no ni? ɛnyɛ yɛne ne nuabeanom na ɛte ha!” Na wɔn bo fuw no.

⁴ Yesu ka kyerɛɛ wɔn se, “*Odiyifo kurom, n’abusuafo mu, ne ne fi na onni anuonyam.*” ⁵Wantumi anyɛ anwonwade ahorow wɔ hɔ, gye ayarefo kakraa bi na ɔde ne nsa guu wɔn so saa wɔn yare. ⁶Gye a wɔannye no anni no yɛɛ no nwonwa.

Yesu Soma Asuafo Dumien No

Na Yesu kyinkyinii nkuraase kyerεkyerεε. ⁷ Yesu frεε n'asuafo dumien no baa ne nkyεn, na εsoma wɔn baanu baanu, maa wɔn tumi wɔ ahonhommɔne so.

⁸ Akwankyerε a εde maa wɔn ni, “Mommfa biribiara nkura gye mo pema nko ara; mommfa aduan anaa kotoku anaa sika. ⁹ Bio, mommfa mpaboa foforo anaa atade foforo nka nea εhyε mo yi ho. ¹⁰ Baabiara a mobεkɔ no, montena ofi baako pε mu. Monnsesa mo atenaε. ¹¹ Na sε morefi kurow bi a wɔannye anaa wɔantie mo no mu akɔ a, momporoporow mo anan ase tutuw, mfa nni adanse.”

¹² Asuafo no kɔkaa asεm no kyerεε obiara a wohyiaa no no sε εnsakra n'adwene, ntwe ne ho mfi ne bɔne ho. ¹³ Na wotutuu ahonhommɔne bebree, de ngo sraa ayarefo pii saa wɔn yare.

Osuboni Yohane Kum

¹⁴ εhene Herode tee eyi, efisε na Yesu din atrεw. Ebinom kae se, “Osuboni Yohane no na wasan aba nkwa mu bio, enti na otumi yε anwonwade a εyε yi.”

¹⁵ Ebinom nso susuw sε, Yesu yε Odiyifo Elia na wasan aba.

Afoforo nso kae se, odiyifo foforo bi a εte sε tete adiyifo akεse no bi na waba.

¹⁶ Herode kae se, “Dabi, εyε Osuboni Yohane a mitwaa ne ti no. Wanyan afi owu mu.”

¹⁷ Saa bere no na Herode asoma asraafo ma wɔakɔkyere Yohane de no ato afiase, efisε na Yohane akasa atia Herode ne Herodia a na εyε Herode nua Filipo yere no aware. ¹⁸ Osuboni Yohane ka kyerεε Herode se, “Wunni ho kwan sε woware wo nua yere.” ¹⁹ Asεm a Yohane kae no anyε Herodia nso dε, ma onyaa ne ho menasepɔw kae se, εsε sε wokum Yohane. Nanso εrentumi nkum no gye sε Herode ama no tumi. ²⁰ Na Herode de obu ma Yohane, efisε na onim sε εyε onipa trenεe. Eyi nti εbɔɔ ne ho

ban. Bere biara a Horode ne Yohane bekaasa no, na ne ho yeraw no nanso eyi nyinaa akyi no, ɔde ntoboase tiee no.

²¹ Nea Herodia pɛɛ sɛ ɛnyɛ Yohane no baa mu. ɛne sɛ, na Herode redi n'awoda, ma ɔtoo pon wɔ n'ahemfi maa ne mpanyimfo, n'asafohene ne Galilea mpanyimfo.

²²⁻²³ Herodia babea besaw kyereɛ wɔn ma ɛyɛɛ wɔn nyinaa fɛ. Herode de ntam ka kyereɛ ababaa no se, "Bisa me biribiara a wɔpɛ; sɛ m'aheman mu fa mpo na wɔpɛ koraa a, mede bɛma wol!"

²⁴ Ababaa yi kɔɔ ne na nkyɛn kobisaa no nea ommisa ma ɔka kyereɛ no se, "Bisa no Osuboni Yohane ti!"

²⁵ Ababaa yi de ahoɔhare san baa ɔhene no nkyɛn beka kyereɛ no se, "Mepɛ sɛ wode Osuboni Yohane ti to prɛte mu ma me mprenpren ara!"

²⁶ Eyi maa ɔhene no werɛ howee, nanso esiane sɛ na waka ntam wɔ nnipa no anim no nti, wammu bɔ a ɔhyɛɛ ne babea no so. ²⁷ Herode somaa n'asraafo no mu baako sɛ ɔnkɔ afiase hɔ nkotwa Yohane ti mfa mmrɛ no. ɔsraani no kotwaa Osuboni Yohane ti, ²⁸ na ɔde too prɛte mu brɛɛ ababaa no ma ɔde kɔmaa ne na. ²⁹ Bere a Yohane asuafo no tee nea asi no, wɔbɛfaa n'amu no kosiee no wɔ ɔboda bi mu.

Yesu Ma Nnipa Mpem Anum Aduan

³⁰ Asomafo no san baa Yesu nkyɛn bekaa nea wɔyɛɛ ne nea wɔkyerɛkyereɛ nnipa a wɔkɔɔ wɔn nkyɛn no nyinaa kyereɛ no. ³¹ Yesu tiee wɔn amanneɛ no wiee no, ɔka kyereɛ wɔn se, "**Momma** yɛntwe yɛn ho mfi nnipakuw yi ho na yɛnkɔhome kakra." Nea ɛma ɔkaa saa ne sɛ, na nnipa a wɔba wɔn nkyɛn no to ntwaa da. Wonnya kwan mpo na wɔadidi.

³² Yesu ne n'asuafo no tenaa ɔkorow mu kɔɔ baabi a obiara nni hɔ. ³³ Nanso bere a wɔrekɔ no, nnipa pii huu wɔn ma wotuu mmirika faa mpoano hɔ kotwaa wɔn ho.

³⁴ Eyi nti bere a Yesu sii fam no, na nnipakuw ahyia wɔ hɔ.

Ohuu wɔn no ne yam hyehyee no maa wɔn efise na wɔte sɛ nguan a wonni ɔhwɛfo. Ɔkyerɛkyerɛɛ wɔn nneɛma bebree a ɛsɛ sɛ wohu.

³⁵ Onwini reyɛ adwo no, n'asuafo no baa ne nkyɛn bɛka kyerɛɛ no se, "Ade resa. Aduan biara nso nni ha. ³⁶ Ka kyerɛ nnipa no na wɔnkɔ nkurow mu ne nkuraa a atwa yɛn ho ahyia yi ase, na wɔnkɔɔ aduan bi nni."

³⁷ Yesu ka kyerɛɛ wɔn se, "**Momma** wɔn aduan nni."

Wobisaa no se, "Ansa na yeбетumi ama saa nnipa dodow yi aduan no, ɛsɛ sɛ yenya asram asia akatua. Yɛnsɛɛ sika a ɛte saa mfa mma wɔn brodo nni ana?"

³⁸ Yesu bisaa wɔn se, "**Brodo ahe na mowɔ?** Monkɔ na monkɔhwɛ."

Wɔsan ba bɛka kyerɛɛ no se, "Wɔwɔ brodo anum ne mpataa abien."

³⁹ Afei Yesu ka kyerɛɛ nnipakuw no se, wɔntenatena ase, na wɔtenatenaa ase akuwakuw wɔ sare no so.

⁴⁰ Wɔtenatenaa ase akuwakuw a bi yɛ ɔha na bi yɛ aduonum. ⁴¹ Yesu faa brodo anum ne mpataa abien no, na ɔhwɛɛ soro, bɔɔ mpae, hyiraa so. Obubuu brodo no mu de maa asuafo no sɛ wɔnkyɛ mma nnipa no. Na ɔkyɛɛ mpataa no nso maa wɔn. ⁴² Nnipa no dii aduan no maa obiara mee! ⁴³ Nnipa a wodii aduan no bɛyɛ mmарima mpem anum; ⁴⁴ na wɔtasee ase nkae no, ɛyɛɛ nkɛntɛn dumien.

Yesu Nantew Asu Ani

⁴⁵ Adidi no akyi pɛ, Yesu ka kyerɛɛ n'asuafo no se, wɔnkɔtena ɔkorow no mu, na wonni kan nkɔ Betsaida, na ɔregya nnipakuw no kwan na watiw wɔn. ⁴⁶ Akyiri no, ɔkɔɔ bepɔw no so kɔbɔɔ mpae.

⁴⁷ Anadwo no a asuafo no te ɔkorow mu adu asu no mfimfini no, na Yesu nko ara na ɔwɔ mpoano. ⁴⁸ Ohuu sɛ na wɔn ho akyere wɔn; ɛne sɛ, mframa a ano yɛ den ne asorɔkye bɔ dwiradwiraa ɔkorow no, enti na wɔrebɛ

wɔ ɔkorow no hare mu. Anɔpahema beye se nnɔnabiɛsa bere mu no, ɔnantew asu no ani baa wɔn nkyɛn. ɔye se ɔretwa wɔn ho. ⁴⁹ Bere a asuafo no huu obi se ɔnam asu no ani no, wɔde ehu teɛteɛɛ mu efise na wosuw se wɔahu ɔsaman. ⁵⁰ Wɔn nyinaa huu no.

Ɛhɔ ara, Yesu ka kyerɛ wɔn se, “**Momma mo bo ntɔ** mo yam. Ɛye me! Munnsuro!” ⁵¹ Afei ɔkɔɔ wɔn nkyɛn wɔ ɔkorow no mu no, mframa no gyae. Asuafo no ho dwiriw wɔn, ⁵² efise na wɔnte aduanma no ase, na wɔapirim wɔn koma.

Genesaret Ayaresa

⁵³ Wotwaa asu no baa Genesaret na woduu hɔ no, wɔde ɔkorow no baa mpoano. ⁵⁴ Na wosi fii ɔkorow no mu no, nnipa a wogyinagyina hɔ no huu no. ⁵⁵ Wotuu mmirika kyinii nkurow a atwa hɔ ahyia no nyinaa so soaa nnipa a wɔyare deda wɔn akɛte so brɛɛ no wɔ baabiara a wɔtee se ɔwɔ. ⁵⁶ Na nkuraa ase anaa nkurow so baabiara a ɔkɔe no, wɔde ayarefo beguu mmɔnten so, srɛɛ no se ɔmma wɔmfa wɔn nsa nka n’atade ano kekɛ. Ayarefo dodow a wotumi de wɔn nsa kaa n’atade ano no ho yeɛ wɔn den.

7

Honhom Fam Ahotew

¹ Da bi, Farisifo ne Kyerɛwsɛm no akyerɛkyerɛfo bi a wofi Yerusalem baa Yesu nkyɛn. ² Woduu hɔ no, wohuu se n’asuafo no bi redidi a wɔanhohoro wɔn nsa ho. ³ Na Yudafɔ no, ne titiriw no Farisifo nnidi da, gye se wɔahohoro wɔn nsa ho nyinaa, sɛnea wɔn amanne kyerɛ, ansa na wɔadidi. ⁴ Na se wofi gua so ba a, wɔhohoro wɔn nsa ansa na wɔadidi. Eyi ye mmara bebree a wofi tete adi so no mu baako. Na mmara no bi ne se, wɔhohoro nkuruwa, asɛn ne kɔberɛɛn mu.

⁵ Enti Kyerɛwsɛm no akyerɛkyerɛfo no bisaa Yesu se, “Adɛn nti na w’asuafo no nni yeɛn amanne a efi tete no

so? Efise wodidi a, wonni kan nhohoro wɔn nsa sɛnea amanne kyerɛ no.”

⁶ Yesu buaa wɔn se, “**Mo nyaatwomfo! Asɛm** a Yesaia ka faa mo ho sɛ,

“**Saa nnipa yi de wɔn** ano na edi me ni,

nanso wɔn koma mmɛn me ho baabiara.

⁷ Wɔsom me kwa;

na wɔn nkyerɛkyerɛ yɛ nnipa nsa ano mmara’

yɛ nokware turodoo!

⁸ **Mugyaw Onyankopɔn** mmara a wahyehyɛ no de mo ankasa mo amanne si anan mu.

⁹ “**Moahyɛ** da sɛ mɔbɛpo Onyankopɔn mmara no, na

moatiatia so, ama mo amanne no atim. ¹⁰ **ɛho nhwɛso** bi

ne sɛ, Mose de Onyankopɔn mmara a ɛka se, ‘Di w’agya

nɛ wo na ni’ no maa mo. ɔkae se, ‘**obiara a** ɔbɛkasa atia

n’agya anaa ne na no, ɛsɛ sɛ wokum no.’ ¹¹ **Nanso moka**

se, eye sɛ obi bɛka akyerɛ n’agya anaa ne na a ade bi hia

no no se, ‘Merentumi mmɔa mo! Efise mede nea anka

a ɛsɛ sɛ mede ma mo no ama Onyankopɔn.’ ¹² **Enti**

mubu Onyankopɔn mmara a ɔhyɛe no so, sɛnea ɛbɛyɛ

a mubetumi abɔ mo amanne ho ban. ¹³ **Eyi yɛ** nhwɛso

baako pɛ. Nanso bebreɛ ka ho.”

¹⁴ Afei Yesu frɛɛ nnipakuw no baa ne nkyɛn, ka kyerɛɛ

wɔn se, “**Mo nyinaa muntie asɛm** a mereka yi yiye, na

monte ase. ¹⁵ **Ade biara a** ɛkɔ onipa mu no ngu ne ho

fi. Na mmom nea ebefi onipa mu aba no na egu ne ho fi.

¹⁶ **Nea** ɔwɔ aso a obetie no ntie.”

¹⁷ Afei Yesu fii nnipakuw no mu kɔɔ fie no, n’asuafo no

bisaa no asɛm a ɔkae no ase. ¹⁸ Obisaa wɔn se, “**Mo nso**

monte asɛm a mekae no ase? Munhu sɛ, nea mudi no ngu

mo ho fi ana? ¹⁹ **Efise** nea mudi biara no ne mo koma nni

hwee yɛ, na mmom ɛfa ɔyafunu no mu kɛkɛ.”

²⁰ ɔtoaa so se, “**Nea efi onipa mu ba no na egu ne ho fi.**

²¹ **Afei nea efi nnipa koma mu ba no,** ɛde aguamammɔ,

korɔn, awudi, ²² **ayefasɛm,** amumɔyɛ, asisi, ahohwi,

anibere, abususem, ahantan ne nkwaseasem ba. ²³ Saa nnebɔne yi nyinaa fi onipa mu na eba, na eno na egu onipa ho fi a Emma ɔmfata Onyankopɔn anim.”

ɔbea Bi Gyidi

²⁴ Yesu fi hɔ no, ɔkɔɔ Tiro ne Sidon fam pɛɛ sɛ ɔrekɔhyɛ hɔ kɔmm a obiara nte ne nka, nanso anyɛ ye. Da a oduu hɔ ara pɛ, na nkurɔfo tee ne nka sɛ waba hɔ. ²⁵ Eɛhɔ ara na ɔbea bi a honhommɔne hyɛ ne babea ketewa bi mu baa ne nkyɛn. Na wate Yesu nka nti, obebuu no nkotodwe. ²⁶ ɔbea no srɛɛ no sɛ ontu saa honhommɔne no mfi ne ba no mu mma no. Na saa ɔbea yi yɛ Helani a wɔwoo no wɔ Siro-Foinike.

²⁷ Yesu ka kyerɛɛ no se, “Ɛsɛ sɛ mma no mee ansa. Na enye sɛ wɔde mma aduan ma akraman.”

²⁸ ɔbea no nso buae no se, “Owura, ɛyɛ nokware de, nanso ɛyɛ a wɔde aduan a aka wɔ mmofra no prɛte mu no bi ma akraman a wɔhyehyɛ ɔpon no ase no.”

²⁹ Yesu ka kyerɛɛ no se, “**Wo mmuae pa no nti masa wo babea no yare. Kɔ** fie. Honhommɔne no afi ne mu kɔ.”

³⁰ Oduu fie no, ohuu sɛ ne babea no da mpa so dinn a honhommɔne no afi ne mu ampa ara.

Mumu ɔsotifo Bi Ayaresa

³¹ Yesu fi Tiro no, ɔfaa Sidon mansin a emu nkurow yɛ du no so beduu Galilea Pɔ so. ³² Wɔde ɔsotifo bi a ɔsan yɛ mum brɛɛ no. Wɔn a wɔwɔ hɔ no nyinaa srɛɛ Yesu sɛ, ɔmfɔ ne nsa nka ɔyarefo no, na ɔnsa no yare.

³³ Yesu soo ne mu de no fii nnipakuw no mu. Afei ɔde ne nsateaa hyɛɛ ɔbarima no asom, tee ntasu de kaa ne tɛkrɛma. ³⁴ ɔhwɛɛ ɔsoro, guu ahome teɛɛ mu se, “**Hefata!**” Ase ne, “**bue!**” ³⁵ Amono mu hɔ ara, ɔbarima no aso buei, ne tɛkrɛma sanee, na ofii ase kasae.

³⁶ Yesu bɔɔ nnipakuw no ano se, wɔmmmɔ asɛm no dawuru nkyerɛ obiara. Nanso mpɛn dodow a ɔbraa wɔn no, na trɛw ara na wɔn nso wɔrɛtrɛw asɛm no mu. ³⁷ Saa asɛm yi maa wɔn ho dwiriw wɔn yiye. Enti wɔkae se, “Yesu ayɛ ade nyinaa yiye, ɔma asotifo mpo te asɛm, na mum nso kasa!”

8

Nnipa Mpem Anan Aduanma

¹ Saa mmere no mu na nnipakuw foforo bi baa Yesu nkyɛn. Esiane sɛ na hwee nni hɔ a wobedi nti, ² Yesu frɛɛ n’asuafo no baa ne nkyɛn, na ɔkae se, “**Nnipa yi yɛ** me mmɔbɔ. Wɔabedi nnansa wɔ ha a, wonni aduan biara a wobedi bio. ³ Sɛ migya wɔn kwan sɛ wɔnkɔ a wonnidii a, anhwɛ a na wɔn mu bi atotɔ piti wɔ ɔkwan so, efisɛ wɔn mu bi fi akyirikyiri na wɔbae.”

⁴ N’asuafo no bisaa no se, “Ehefa na yebenya aduan ama saa nnipa dodow yi wɔ sare yi so ha?”

⁵ Obisaa wɔn se, “**Brodo dodow ahe na mowɔ?**”
Wobuaa no se, “Yɛwɔ ason.”

⁶ Yesu ka kyerɛɛ nnipakuw no se wɔntenatena ase wɔ sare no so. Afei ɔfaa brodo ason no, na ohyiraa so, bubuu mu de maa n’asuafo no ma wɔkyɛ maa nnipa no. ⁷ Na wɔwɔ mpataa kakra wɔ hɔ, nti Yesu hyiraa ɛno nso so de maa asuafo no sɛ wɔnkyɛ ɛno nso mma wɔn. ⁸ Nnipakuw no didi mee no, ogyaa wɔn kwan. ⁹ Nnipa a wodii aduan no dodow bɛyɛ mpem anan. Na wɔtasee ase nnikae no, ɛyɛɛ kɛntɛn ason. ¹⁰ Eyi akyi no ɔne n’asuafo no kɔtenaa ɔkorow mu baa Dalmanuta fam.

Ɔsoro Nsɛnkyerɛnne

¹¹ Farisifo no tee sɛ Yesu aba hɔ no, wɔbaa ne nkyɛn bebisabisaa no nsɛm, de sɔɔ no hwɛe. Wɔka kyerɛɛ no se, “Yɛ nsɛnkyerɛnne bi kyerɛ yɛn. Ma nsɛnkyerɛnne

bi nna adi wɔ wim nkyerɛ yɛn. Ɛno ansa na yebegye wo adi.” ¹² Yesu tee nea wɔkae no, ogyu ahome ka kyerɛɛ wɔn se, “Ɖɛn nti na mohwehwɛ nsɛnkyerɛnne daa yi? Nsɛnkyerɛnne biara nni hɔ a mɛyɛ akyerɛ mo.” ¹³ Ɖsan kɔtenaa ɔkorow no mu gyaw wɔn, twa kɔɔ asuogya nohɔ.

Herode Ne Farisifo Mmɔkaw

¹⁴ Asuafo no werɛ fii sɛ wɔfa aduan bi kura ansa na wɔkɔ, gye brodo baako pɛ na na wokura wɔ ɔkorow no mu. ¹⁵ Wɔretwa asu no, Yesu ka kyerɛɛ wɔn se, “**Monhwɛ** mo ho so yiye wɔ ɔhene Herode ne Farisifo mmɔkaw ho.”

¹⁶ Asuafo no bisabisaa wɔn ho wɔn ho se, “Asɛm a ɔreka yi ase ne ɖɛn?” Nea wɔn adwene kyerɛɛ wɔn ne sɛ, ebia ɔreka aduan a wɔn werɛ fii sɛ wɔbɛfa akita no ho asɛm.

¹⁷ Yesu huu nea wodwinnwen no, ɔka kyerɛɛ wɔn se, “**Ɛnyɛ** ɛno ho asɛm na mereka! Monnte eyi ase ana? Mo koma da so pirim? ¹⁸ **Mowɔ** ani nso munhu ade? Mowɔ aso nso momfa nte asɛm? Na monnkae biribi ana? ¹⁹ **Bere a mibubuu brodo anum mu maa nnipa mpem anum no, nnikae kɛntɛn ahe na motasee?”**

Wɔkae se, “Dumien.”

²⁰ “**Na mesan de brodo ason maa nnipa mpem anan no nso, ahe na ɛkae?”**

Wɔkae se, “Nkɛntɛn ason.”

²¹ Obisaa wɔn bio se, “**Monnte ase ara ana?”**

Onifurafo Bi Ayaresa Wɔ Betsaida

²² Bere a woduu Betsaida no, nnipa bi de onifurafo bi brɛɛ no, srɛɛ no sɛ ɔmfɛ ne nsa nka no, na ɔnsa no yare.

²³ Yesu soo onifurafo yi nsa de no kɔɔ akuraa no kurotia. Ɖtee ntasu guu onifurafo no ani so, na ɔde ne nsa guu no so. Yesu bisaa no se, “**Wuhu ade ana?”**

²⁴ Onifurafo no maa n’ani so hwɛɛ soro, buae se, “Yiw, mihi nnipa! Nanso mihi wɔn sɛ nnua bi na wɔnenam hɔ.”

²⁵ Afei Yesu de ne nsa kataa n'ani no so bio. Onifuraefo no buee n'ani, na bere a ɔrehwe ade haa no, n'ani no yee yiye a afei de na ohu biribiara kann. ²⁶ Yesu ma ɔkɔɔ fie, na ɔka kyerɛɛ no se, “**Nnsan nmkɔ** akuraa no ase bio.”

Petro Ka Se Yesu Ne Kristo No

²⁷ Yesu ne n'asuafɔ no fii Galilea kɔɔ Kaesarea ne Filipi nkuraa ase. Wɔnam ɔkwan so rekɔ no, obisaa wɔn se, “**Nnipa ka se mene hena?**”

²⁸ Asuafɔ no buae se, “Ebinom se wone Osuboni Yohane no, na afororo nso se woyɛ Elia anaasɛ tete adiyifo no mu bi a wasan aba.”

²⁹ Na obisaa wɔn se, “**Na mo nso mose meyɛ hena?**”

Petro buaa no se, “Wone Kristo no.”

³⁰ ɔbɔɔ wɔn kɔkɔ se, wɔnnka nkyerɛ obiara.

Yesu Hyɛ Ne Wu Ne Ne Wusɔre Ho Nkɔm

³¹ Afei ofii ase kaa Onipa Ba no amane a obehu ne mpanyimfo, asɔfo mpanyin ne Kyerɛwsem no akyerɛkyerɛfo no po a wɔbɛpo no, na wɔakum no, na nnansa so wasɔre no ho asem kyerɛɛ wɔn. ³² ɔkaa asem no pefee a wamfa biribiara anhintaw wɔn. Petro twee no gyinaa nkyɛn bisaa no se, “Adɛn nti na woka asem a ɛte sɛɛ yi?”

³³ Yesu dan ne ho hwɛɛ n'asuafɔ no kaa Petro anim se, “**Fi me so, ɔbonsam! W'adwene yɛ** nea efi onipa na ɛnyɛ nea efi Onyankopɔn.”

Ahopaakyi

³⁴ Afei ɔfrɛɛ n'asuafɔ no ne nnipakuw no baa ne nkyɛn ka kyerɛɛ wɔn se: “**Sɛ** obi pɛ sɛ odi m'akyi a ɛsɛ sɛ ɔpa ne ho akyi, na ɔsoa n'asennua, na odi m'akyi. ³⁵ **Nea** ɔma ne kra som no bo no, ebefi ne nsa. Na nea me ne asempano nti, ɔbɛhwere ne kra no, wobegye no nkwa. ³⁶ **Na sɛ** onipa nya wiase nyinaa na ɔhwere ne kra a mfaso bɛn na obenya? ³⁷ **Dɛn** na ɛsom bo sen ne kra? ³⁸ **Na obiara a saa nnabɔne** yi mu n'ani wu me ne me nsɛm ho no, ne

ho b̄eȳe me, Onipa Ba no aniwu, bere a me ne m'ab̄ofo kronkron no b̄esan aba w̄o m'Agya anuonyam mu no."

9

Yesu Anuonyam Hyer̄en

¹ Yesu k̄ō so ka kyer̄e n'asuaf̄o no se, "Mo a mugyina ha yi mu bi b̄etena ase akosi s̄e mubehu s̄e, Onyankop̄on ahenni no reba tumi mu!"

² Nnansia akyi na Yesu faa Petro, Yakobo ne Yohane de w̄on k̄ō bep̄ow tenten bi atifi. Saa bere no na obiara nka w̄on ho. Ēh̄o ara na Yesu anuonyam hyer̄en w̄o w̄on anim. ³ N'atade hyer̄en ȳe fitafita sen s̄enea obi betumi ahoro saa atade no ama aȳe. ⁴ Afei Elia ne Mose befii h̄o. Na w̄one Yesu kasae!

⁵ Petro ka kyer̄e Yesu se, "Kyer̄ekyer̄efo, eye s̄e ȳew̄o ha. Ȳeb̄eb̄o asese ab̄esa w̄o ha, wo de baako, Mose de baako na Elia de baako." ⁶ Esiane s̄e na w̄ob̄o hu no nti na ema okaa saa.

⁷ Na omununkum b̄ekataa w̄on so. Nne bi fi omununkum no mu kae se, "Oyi ne me D̄oba. Muntie no."

⁸ Mpofirim a w̄ohw̄e w̄on ho no, w̄anhu obiara ka Yesu ho.

⁹ W̄oresian afi bep̄ow no so no, Yesu b̄ō w̄on ano se w̄onnka nea w̄ahu no nkyer̄e obiara kosi s̄e ōbes̄ore afi awufo mu. ¹⁰ Asuaf̄o no anka ankyer̄e obiara na mmom, eȳe a na w̄otaa bisabisa w̄on ho w̄on ho se, n'as̄em a ōkae se, "Menyan afi awufo mu" no, na ōkyer̄e d̄en?

¹¹ Na n'asuaf̄o no bisaa no nea enti a mmara no akyer̄ekyer̄efo no ka se, ēs̄e s̄e Elia san ba kan.

¹² Yesu gye too mu s̄e, ēs̄e s̄e Elia di kan ba b̄etoto nneema nyinaa yiye. Ōkae se, "Eno de, na ad̄en nti na w̄oakyer̄ew se Onipa Ba no behu amane bebree na w̄apo no? ¹³ Nanso mise mo s̄e, Elia aba dedaw! Na w̄one no anni no yiye s̄enea adiyifo no hȳe ho nk̄om no."

Yesu Sa Abarimaa Bi A Ɔwɔ Honhommɔne Yare

¹⁴ Bere a wosian beduu bepɔw no ase hɔ no, wohuu sɛ nnipakuw atwa asuafo a wɔaka no ho ahyia, na wɔne mmara no akyerɛkyerɛfo no regye wɔn ho wɔn ho akyinnye. ¹⁵ Bere a nnipakuw no huu Yesu no wɔn ho dwiriw wɔn, na wɔde mmirika behyiaa no.

¹⁶ Yesu bisaa wɔn se, **“Akyinnye a na moregye no fa dɛn ho?”**

¹⁷ Nnipa no mu baako kae se, “Kyerɛkyerɛfo, mede me ba aba ha sɛ sa no yare. Honhommɔne bi a ɛwɔ ne so nti, ontumi nkasa. ¹⁸ Sɛ honhommɔne no ka ne ho wɔ ne mu a, etwa no hwe fam ma n’ano twa ahuru, twɛre ne se a wasinsen. Ɛno nti mesrɛɛ w’asuafo no se wontu honhommɔne no mfi ne mu, nanso wɔantumi.”

¹⁹ Yesu ka kyerɛɛ n’asuafo no se, **“O, mo a mo gyidi sua, me ne mo ntena nkosi da bɛn ansa na mo gyidi atim? Momfa abarimaa no mmrɛ me.”**

²⁰ Wɔde abarimaa no brɛɛ Yesu. Wɔde no duu Yesu anim ara pɛ na ɔyare no baa denneennen, twaa no hwee fam, ma ɔperee a n’ano refi ahuru.

²¹ Yesu bisaa abarimaa no agya se, **“Nnaahe ni a ɔyare yi baa ne so?”**

Abarimaa no agya buaa Yesu se, “Efi ne mmofraase pɛɛ; ²² na ɛtɔ da bi koraa a, ɔyare no tumi twa no hwe ogya anaa nsu mu pɛ sɛ ekum no. Enti sɛ wubetumi asa no yare de a, hu yɛn mmɔbɔ, na sa no yare ma yɛn.”

²³ Yesu bisaa no se, **“Adɛn nti na woka se sɛ metumi a? Nneɛma nyinaa betumi ayɛ hɔ ama obiara a ogye di.”**

²⁴ Abarimaa no agya buae se, “Mewɔ gyidi nanso esua, enti boa me, na hyɛ me gyidi mu den!”

²⁵ Yesu huu sɛ nnipa no dɔ ara na wɔredɔɔso no, ɔtɛɛɛ honhommɔne no se, **“Honhommɔne ɔsotifo ne mumu, mehyɛ wo sɛ, fi abofra yi mu kɔ. Nkɔhyɛ ne mu bio!”**

²⁶ Afei ɔyare no baa denneennen ansa na ɛrefi ne mu, enti ɛmaa abarimaa no yɛɛ sɛ owufo. Nnipakuw no kasaa huhuhuhu se, “Wawu.” ²⁷ Na Yesu soo ne nsa pagyaw no ma ogyinaa ne nan so a ne ho atɔ no.

²⁸ Eyi akyi a Yesu ne n’asuafo no nko ara wɔ fie no, wobisaa no se, “Adɛn nti na yɛn de yɛantumi antu saa honhommɔne no?”

²⁹ Yesu buaa wɔn se, “Mpaebɔ nko ara na ebetumi atu saa ɔyare yi.”

Yesu Wu Ho Nkɔmhyɛ

³⁰ Yesu fii hɔ no ɔfaa Galilea, efisɛ na ɔmpɛ sɛ nnipa te ne nka. ³¹ Na ɔpɛ sɛ onya bere ma n’asuafo no de kyerɛkyerɛ wɔn. ɔka kyerɛɛ wɔn se, “**Wobeyi Onipa Ba no ama, na wɔakum** no, na ne nnansa so no ɔbɛsɔre aba nkwa mu bio.” ³² Asuafo no ante aɛm a ɔkae yi ase, nanso na wosuro sɛ wobebisa no ase.

Hena Ne ɔkɛse

³³ Yesu ne n’asuafo no baa Kapernaum. Bere a woduu ofi a wɔbɛtena mu no mu na wɔregye wɔn ahome no, Yesu bisaa n’asuafo no se, “Yɛreba no dɛn akyinnye na na moregye wɔ ɔkwan so no?” ³⁴ Asuafo no antumi ammua efisɛ na wɔredwinnwen nea ɔbɛyɛ wɔn mu ɔkɛse no ho.

³⁵ ɔtenaa ase frɛɛ wɔn baa ne nkyɛn ka kyerɛɛ wɔn se, “Obiara a ɔpɛ sɛ ɔyɛ ɔpanyin wɔ mo mu no ɛsɛ sɛ ɔyɛ abofra anaa ɔsomfo wɔ mo mu!”

³⁶ Afei ɔde abofra ketewa bi begyinaa wɔn mfimfimi. ɔde abofra no kyerɛɛ wɔn kae se, ³⁷ “**Mo mu biara a me nti obegye abofra ketewa sɛ** oyi no agye me, na nea obegye me no nso agye m’Agya a ɔsoma me no.”

Nea Ontia Yɛn No Wɔ Yɛn Afa

³⁸ Yohane a ɔyɛ asuafo no mu baako no ka kyerɛɛ Yesu se, “Kyerɛkyerɛfo, yehuu ɔbarima bi a ɔde wo din retu

ahonhommōne nti yɛka kyerɛɛ no se onnyaɛ, efisɛ ɔnka yɛn ho.”

³⁹ Yesu kae se, “**Munnsiw no kwan.** Efisɛ obiara nni hɔ a ɔreyɛ anwonwade wɔ me din mu na obetwa ne ho atia me. ⁴⁰ **Na obiara a ontia yɛn** no wɔ yɛn afa. ⁴¹ **Obiara a esiane sɛ,** moyɛ Kristo de no nti ɔbɛma mo nsu kuruwa ma anom no akatua remmɔ no da.

⁴² “**Enti sɛ** obi to mmofra nketewa a wogyɛ me di yi mu bi hintidua a, eye ma no sɛ anka wɔde ɔbotan duruduru bɛsɛn ne kɔn mu, atow no akyene po mu. ⁴³ **Sɛ** wo nsa ma woyɛ bɔne a, twa na tow kyene. Eye ma wo sɛ wode dɛmdi bɛkɔ nkwa mu sen sɛ, wɔde wo nipadua nyinaa bɛto amanehunu gya ⁴⁴ **a ennum da no mu.** ⁴⁵ **Na sɛ** wo nan ma woyɛ bɔne a, twa na tow kyene. Eye ma wo sɛ wode nansin bɛkɔ nkwa mu sen sɛ, wode nan abien bɛkɔ amanehunu gya ⁴⁶ **a ennum da no mu.**” ⁴⁷ **Na sɛ** w’ani ma woyɛ bɔne a, tu na tow kyene. Eye ma wo sɛ wode ani baako bɛkɔ Onyankopɔn ahenni mu sen sɛ wowɔ ani abien na wɔde wo bɛto amanehunu gya mu ⁴⁸ **baabi a** “**‘ogya no ennum da**
na eho asunson nso nwu da.’

⁴⁹ **Na** wɔde ogya bɛhyɛ wɔn nyinaa nkyene.

⁵⁰ “**Nkyene yɛ** dɛ, nanso sɛ nkyene yera ne dɛ a, eso nni mfaso bio; wonte ne dɛ wɔ biribiara mu. Enti monnyera mo dɛ. Mo ne mo ho mo ho ntena asomdwoe mu.”

10

Awaregyae Ho Asɛmmisa

¹ Afei Yesu fii Galilea twa baa Yudea fam nohɔ wɔ Asubɔnten Yordan agya. Nnipakuw baa ne nkyɛn, na sɛnea ɔtaa yɛ no ɔkyerɛkyerɛɛ wɔn.

² Farisifo bi baa ne nkyɛn bebisaa no se, “Wopene awaregyae so ana?” Wobisaa no eyi de sɔɔ no hwɛɛ.

³ Yesu nso bisaa wɔn se, “Dɛn na Mose ka faa awaregyae ho?”

⁴ Wobuae se, “Mose kaa se eye sɛ wogyae aware. N’asɛm a ɔkae ne sɛ, sɛ ɔbarima bi pɛ sɛ ogyaa ne yere aware a ɔnkyerɛw awaregyae krataa mfa mma ne yere no.”

⁵ Yesu bisaa wɔn se, “Adɛn nti na ɔkaa saa? Merebɛkyerɛ mo nea enti a ɔkaa saa. Esiane mo koma a apirim no nti na ɔkaa saa kyerɛɛ mo. ⁶ Nanso eyi mfi Onyankopɔn. Efi adebɔ mfiase na Onyankopɔn bɔɔ ɔbarima ne ɔbea kaa wɔn bɔɔ mu. ⁷ Eyi nti na ɔbarima begyaw n’agya ne ne na, ⁸ na ɔde ne ho akɔbɔ ne yere ho, na wɔn baanu no ayɛ ɔhonam koro. ⁹ Na nea Onyankopɔn aka abɔ mu no, ɛnsɛ sɛ onipa tetew mu.”

¹⁰ Akyiri a na ɔne n’asuafɔ no wɔ fie no, asuafɔ no bisaa no saa asɛm koro no ara bio. ¹¹ Obuaa wɔn se, “Sɛ obi gyaa ne yere aware na ɔsan ware obi foforo a na wabɔ aguaman. ¹² Na sɛ ɔyere gyaa ne kunu aware na ɔsan ware a, na ɔno nso abɔ aguaman saa ara.”

Yesu Hyira Mmofra Nkumaa

¹³ Na awofɔ bi de mmofra nkumaa brɛɛ Yesu se onhyira wɔn, nanso n’asuafɔ no pampam wɔn a wɔde mmofra no bae no, ka kyerɛɛ wɔn se, wɔnnhaw no. ¹⁴ Yesu huu nea n’asuafɔ no ayɛ no, anyɛ no dɛ na ɔka kyerɛɛ wɔn se, “Momma mmofra no kwan na wɔmmra me nkyɛn, na munnsiw wɔn kwan, na eyinom sɛɛ na Onyankopɔn ahenni no yɛ wɔn dea. ¹⁵ Mereka akyerɛ mo se, obiara a ɔrennye Onyankopɔn ahenni no sɛ abofra no, ɔrentumi nhyɛn mu.” ¹⁶ Na ɔyɛɛ wɔn atuu, de ne nsa guu wɔn so hyiraa wɔn.

Adefo Ne ɔsoro Ahenni No

¹⁷ Na osii mu sɛ ɔrekɔ baabi foforo no, ɔbarima bi tutuu mmirika baa ne nkyɛn bebuu no nkotodwe bisaa no se,

“Kyerɛkyerɛfo pa, dɛn na menyɛ na manya nkwa a enni awiei?”

¹⁸ Yesu bisaa no se “Adɛn na wofrɛ me papa? Obiara nyɛ papa gye ɔbaako; ɔne Onyankopɔn. ¹⁹ **ɛfa w’asɛmmisa** no ho nso, wunim mmaransɛm no: ‘Mmɔ aguaman! Nni awu! Mmɔ korɔn! Nni adansekurum! Di w’agya ne wo na ni!’”

²⁰ Aberante no ka kyerɛɛ no se, “Kyerɛkyerɛfo, eyinom nyinaa mifi me mmofraase na midii so.”

²¹ Yesu hwɛɛ aberante yi dinn, nyaa ɔɔ bi maa no. Ɔka kyerɛɛ no se, “**Aka wo ade baako.** **Kɔ** na kɔtɔn biribiara a wowɔ, na fa sika no ma ahiafo, na wubenya agyapade wɔ ɔsoro, na bra bedi m’akyi.”

²² Aberante no tee saa asɛm no n’anim sesae, na ɔde awerɛhow kɔɛ, efisɛ na ɔwɔ ahonyade bebree.

²³ Ɔrekɔ no, Yesu hwɛɛ no na ɔdan ne ho ka kyerɛɛ n’asuafɔ no se, “**ɛyɛ** den ma ɔdefo sɛ ɔbɛkɔ Onyankopɔn ahenni mu!”

²⁴ Asɛm a Yesu kaa no maa asuafo no ho dwiriw wɔn. Yesu san kaa biɔ se, “**Me mma, sɛ** moahu den a ɛyɛ ma wɔn a wɔwɔ ahonyade sɛ wɔbɛkɔ Onyankopɔn ahenni mu? ²⁵ **Na** ɛyɛ mmerɛw sɛ yoma bɛfa pane aniwa mu sen sɛ ɔdefo bɛkɔ Onyankopɔn ahenni mu.”

²⁶ Asuafo no ho dwiriw wɔn mmoroso na wobisaa no se, “ɛno de, na hena na wobegye no nkwa?”

²⁷ Yesu hwɛɛ wɔn dinn kae se, “**Onipa fam de,** ɛyɛ den, na Onyankopɔn fam de, biribiara betumi aba mu.”

Yesu Akyidi Mu Akatua

²⁸ Afei Petro fii ase kenkan nneɛma a ɔne asuafo no agyaw abedi Yesu akyi. Ɔkae se, “Yagyaw biribiara abedi w’akyi.”

²⁹ Yesu nso buaa no se, “**Merema mo ate ase sɛ,** obi nni ho a me nti wagyaw ofi, nuabarimanom, nuabeanom, ɛna, agya ne mma anaasɛ agyapade a ɔbɛkɔ akɔka Asɛmpa no,

³⁰ **na** ɔrennya ofi, nuabarimanom, nuabeanom, Enanom, mma ne nsase mmɔho ɔha, na ɔrennya ɔtaa nso nka ho! Eyinom nyinaa beye ne dea wɔ asase yi so, na wiase a ereba no mu de, obenya nkwa a enni awiei. ³¹ **Na adikanfo pii bedi akyi, na akyikafo abedi kan.**”

Yesu Wu Ne Ne Wusɔre Ho Nkɔmhye A Eto So Abien

³² Afei wosii mu se wɔrekɔ Yerusalem a na Yesu di wɔn kan; na bere a asuafo no di n'akyi no, ehɔ ne osuro kaa wɔn. Yesu twee wɔn gyinaa nkyɛn, na ɔsan kaa nneɛma a se wodu Yerusalem a ebeba ne so no nyinaa kyerɛɛ wɔn. ³³ ɔka kyerɛɛ wɔn se, “**Se** yedu hɔ a wobeyi me, Onipa Ba no ama asɔfo mpanyin ne Kyerɛwsem no akyerɛkyerɛfo, na wɔabu me kumfo, na wɔde me ahyɛ Roma aban nsa, na wɔakum me. ³⁴ **Wobedi me ho fe**w, na wɔatete ntasu agu me so, na wɔde mpire atwa me mmaa, na wɔakum me, na nnansa so no, masɔre bio.”

Yakobo Ne Yohane Abisade

³⁵ Afei Sebedeo mma Yakobo ne Yohane baa Yesu nkyɛn beka kyerɛɛ no se, “Kyerɛkyerɛfo, yɛpɛ se woyɛ yɛn adɔɛ bi.”

³⁶ Yesu bisaa wɔn se, “**Den** na mopɛ se meye ma mo?”

³⁷ Wobuae se, “Ma yɛn mu baako ntena wo nifa so, na ɔbaako nso ntena wo benkum so wɔ w'ahenni mu hɔ!”

³⁸ Yesu maa wɔn mmuae se, “**Munnim nea mubisa no! Mubetumi anom awer**Ehow kuruwa nwenweenwen a ɛse se menom ano no ana? Anaase mubetumi ama wɔde amanahunu asubɔ no abɔ mo asu?”

³⁹ Wɔka kyerɛɛ no se, “Yebetumi!”

Na Yesu ka kyerɛɛ wɔn se, “**Mubetumi anom me kuruwa ano, na wɔde** asubɔ a wɔde bɔ me no abɔ mo; ⁴⁰ **nanso minni tumi se** miyi wɔn a wɔbetena me nifa anaa me benkum so no. Onyankopɔn nko ara na ɔde saa afa no beɛma wɔn a wɔasiesie hɔ ama wɔn no.”

⁴¹ Asuafo a wɔaka no tee nea Yakobo ne Yohane kobisaa no, anyɛ wɔn dɛ. ⁴² Enti Yesu frɛɛ wɔn ka kyerɛɛ wɔn se, “**Munim sɛ** ahene ne atumfo a wɔwɔ wiase no di wɔn a wɔhyɛ wɔn ase no so, ⁴³ **nanso mo de**, ente saa wɔ mo ho. Obiara a ɔpɛ sɛ ɔyɛ ɔkɛse wɔ mo mu no, ɛsɛ sɛ ɔyɛ mo somfo. ⁴⁴ **Na obiara a** ɔpɛ sɛ ɔyɛ ne nuanom so panyin no ɛsɛ sɛ ɔyɛ wɔn nyinaa akoo. ⁴⁵ **Onipa Ba no amma sɛ** wɔnsom no, na mmom ɔbesomee, na ɔde ne kra too hɔ sɛ mpata maa nnipa nyinaa.”

Onifuraefo Bi Adehu

⁴⁶ Yesu ne n’asuafo no beduu Yeriko. Wɔrefi kurow no mu no, nnipakuw tu dii wɔn akyi. Saa bere a Yesu retwa mu no, na onifuraefo Bartimeo a ne din nkyerɛase ne “Timoteo ba” no te kwankyɛn resrɛsrɛ ade. ⁴⁷ Bere a Bartimeo tee sɛ Yesu Nasareni na ɔretwam no, ofii ase teɛteɛɛ mu se, “Dawid Ba Yesu, hu me mmɔbɔ!”

⁴⁸ Nnipa no bi teɛteɛɛ no se, “Mua w’ano!” Nanso ɔkɔɔ so teɛteɛɛ mu dennen se, “Dawid ba, hu me mmɔbɔ!”

⁴⁹ Bere a Yesu tee ne nne no, ogyina kae se, “**Momfrɛ** no mma me.”

Wɔfrɛɛ onifuraefo no ka kyerɛɛ no se, “Ma wo bo ntɔ wo yam, sɔre na ɔrefrɛ wo!” ⁵⁰ Bartimeo tow ne ntama gui, sɔre baa Yesu nkyɛn.

⁵¹ Yesu bisaa no se, “**Dɛn** na wopɛ sɛ meyɛ ma wo?”

Onifuraefo no buae se, “Kyerɛkyerɛfo, mɛpɛ sɛ mihu ade!”

⁵² Yesu ka kyerɛɛ no se, “**Kɔ**, na wo gyidi agye wo.” Na ntɛm ara onifuraefo no huu ade, na odii Yesu akyi.

11

Yesu Kɔ Yerusalem Sɛ ɔhene

¹ Yesu ne n’asuafo no rebɛn Yerusalem, na woduu Betfage ne Betania a ɛwɔ Ngo Bepɔw no ho no, ɔsoma n’asuafo no mu baanu dii wɔn anim kan. ² Yesu ka kyerɛɛ

wɔn se, “**Monko** akuraa a ewɔ hɔ no ase. Se mudu hɔ a, mubehu se wɔasa afurum ba bi a wɔntenaa ne so da hama. Monsan no na momfa no mmre me. ³ **Na** se obi bisa mo se den na moreye a, monka no tiaa se, ‘Ne ho hia Awurade, na ɔbesan de no aba mpren ara.’”

⁴ Asuafo baanu no sii mu. Wokohuu se aboa no sa ofi bi abobow ano. Enti wɔsan no. ⁵ Wogu so resan no no, nnipa bi a wogyina nkyen bisaa wɔn se, “Aden nti na moresan afurum ba no?” ⁶ Wɔkaa asem a Yesu ka kyerere wɔn no kyerere nnipa no ma wotee wɔn ase. ⁷ Wode afurum ba no bre Yesu maa asuafo no de wɔn ntama guu aboa no so, maa Yesu tenaa no so. ⁸ Nnipakuw a wɔwɔ hɔ no bi de wɔn ntama sesew ɔkwan a ɔde aboa no nam so no so. Ebinom nso pempan nnua mman de sesew ɔkwan no mu saa ara. ⁹ Na Yesu di nnipakuw no mfimfini a wɔn nyinaa reteete mu se,
“Hosiana!”*

“Nhyira ne nea ɔnam Awurade din mu reba!”

¹⁰ “Anuonyam nka Onyankopɔn se yen agya Dawid ahenni reba.”

“Hosiana wɔ sorosoro!”

¹¹ Yesu koduu Yerusalem no, ɔkɔ asɔredan no mu. ɔhwɛ biribiara a ewɔ hɔ dinn ansa na ɔrefi hɔ, efise, na onwini redwo enti ɔne asuafo dumien no kɔ Betania.

Yesu Dome Borɔɔma Dua

¹² Ade kyee anɔpa a wɔrefi Betania hɔ no, ɔkɔm dee no. ¹³ Wɔkɔ kakra no, ohuu se borɔɔma dua bi si hɔ a aye kusuu. ɔkɔ hɔ kɔhwɛ se aduaba no bi wɔ so ana. Nanso oduu hɔ no ohuu se nhaban nko ara na ewɔ so. Saa bere no nso na enye bere a ese se borɔɔma no sow.

* 11:9 Nkamfo

¹⁴ Yesu domee borɔɔɔma dua no se, “Efi nnε, worenso ababio!” Asuafo no tee asεm a ɔkae no.

Yesu Kɔ Hyiadan Mu

¹⁵ Yesu san baa Yerusalem no, ɔkɔɔ hyiadan mu hɔ. Oduu hɔ no, ɔpam aguadifo a wɔwɔ hɔ no nyinaa, kaa sikasesafo apon nyinaa guu fam, bubuu pata a wɔtɔn mmorɔnomoma wɔ mu no nyinaa, ¹⁶ siw kwan sε obiara mmedi gua wɔ hɔ bio. ¹⁷ ɔka kyerεε wɔn se, “Kyerεwεm no ka se, ‘M’asɔrefi yε beae a wɔbɔ mpae,’ nanso mo de, mode hɔ ayε akorɔmfo atenaε.”

¹⁸ Asɔfo mpanyin ne Yudafo mpanyimfo tee nea Yesu ayε no, wɔbɔɔ ne ho pɔw, pεε ɔkwan a wɔbεfa so ayi no afi hɔ. Asεm a na εhaw wɔn ne sε, sε wɔanhwε no yiye nso a, εde basabasayε bεba, efisε na nnipa bebree agye Yesu nkyerεkyerε no ato mu.

¹⁹ Sεnea na wɔtaa yε no, anwummere no ara, wofii kurow no mu.

Borɔɔɔma Dua A Ewui No

²⁰ Anɔpa a asuafo no retwa mu wɔ borɔɔɔma dua a Yesu domee no no ho no, wuhuu sε awu. ²¹ Petro kae asεm a Yesu ka de domee dua no no, ɔteεε mu se, “Hwε, Kyerεkyerεfo! Borɔɔɔma dua a wodomee no no awu!”

²² Yesu nso ka kyerεε n’asuafo no se, “Sε mowɔ gyidi wɔ Onyankopɔn mu a, ²³ **anka mubetumi aka akyerε** Ngo Bepɔw yi se, ‘Tutu kogu po mu,’ na ebetutu akogu mu nso. Munnye nni; mommma mo gyidi nhinhim. ²⁴ **Muntie nea meraka yi. Biribiara a mubebisa wɔ** mpaeɔ mu no, munnye nni sε mo nsa aka, na εbeyε hɔ ama mo. ²⁵ **Na sε** morebɔ mpae a, nea edi kan no, sε mowɔ obi ho asεm a momfa nkyε no sεnea εbeyε a mo Agya a ɔwɔ ɔsoro no nso de mo bɔne bεkyε mo. ²⁶ **Na sε** moamfa bɔne ankyε a, saa ara na mo Agya a ɔwɔ ɔsoro no nso remfa mo bɔne nkyε mo.”

Yesu Tumi Ho Nsemmisa

²⁷ Wɔbaa Yerusalem bio. Wɔkɔɔ hyiadan mu ho no, asɔfo mpanyin ne Yudafo mpanyin baa ne nkyɛn bebisaa no se, ²⁸ “Tumi bɛn na wugyinaa so pam aguadifo no?”

²⁹ Yesu nso buaa wɔn se, “**Merebebisa mo asɛm** baako bi na mummua me! ³⁰ **Onyankopɔn** na ɔsoma a Osuboni Yohane, ana a ɛnyɛ ɔno? Mummua me!”

³¹ Wodwinnwen ho kae se, “Sɛ yɛka se, Onyankopɔn na ɔsoma a, wobebisa yɛn nea enti a yɛannye nea Yohane kae no anni. ³² Na sɛ yɛka se ɛnyɛ Onyankopɔn na ɔsoma a no nso a, dɔm no bɛhaw yɛn. Efisɛ wɔn nyinaa nim sɛ Yohane yɛ odiyifo.”

³³ Enti wɔn mmuae a wɔmae ara ne sɛ, “Yɛrentumi mmua. Yennim.”

Ɛho ara na Yesu nso ka kyerɛɛ wɔn se, “Sɛ munnim de a, me nso meremma mo asɛmmisa no ho mmuae!”

12

Bobeturo Mu Akuafo Bi

¹ Yesu nam mmebu so kasa kyerɛɛ nnipa no se: “**Okuafo bi** yɛɛ bobeturo, gyee ban faa ho, na otuu amoa a wokyi bobe mu nsu wɔ mu, sii ɔwɛn aban wɔ mu. Afei ɔde afuw no gyaw akuafo bi tuu kwan. ² **Eduu bere a bobe no bere a** ɛsɛ sɛ wɔtew no, ɔsoma a ne ho nipa bi se onkogye ne kyɛfa mmɛ no. ³ **Nanso akuafo no boroo no, ma** ɔde ne nsa pan san kɔɔ. ⁴ **Okuafo no san somaa onipa foforo kɔɔ** wɔn nkyɛn, na ɔno nso, wɔboroo no, pirapiraa no sen nea odi kan no. ⁵ **Onipa a** ɔsoma a no bio no de, wokum no. Afoforo a akyiri no wɔkɔɔ no nso, wɔhwee ebinom, na wokum ebinom nso.

⁶ “**Nanso na aka** ɔbaako a ɔyɛ ne ba a ɔɔɔ no. ɔsoma a ɔno nso kɔɔ wɔn nkyɛn, susuw sɛ wɔbɛfɛre no de nidi ama no.

⁷ “Nanso bere a akuafo no huu no se ɔreba no, wɔkae se, ‘ɔdedifo no na ɔreba no. Momma yenkum no, na agyapade no aye yen de!’ ⁸ Wɔkyeree no kum no, twee no fii bobɛ turo mu hɔ kɔtow no kyeneɛ baabi.

⁹ “Mugye di se, se afuw wura no ba a den na ɔbeyɛ akuafo no? ɔbeba abekum wɔn, na ɔde afuw no ama nnipa foforo. ¹⁰ Monnkenkan eyi wɔ Kyerɛwsem no mu pɛn se:

“**ɔbo a adansifo apo no,**

ɛno ara na abeyɛ dan no twea so tibo;

¹¹ **Awurade na wayɛ eyi,**

na eyɛ nwonwa wɔ yen ani so?”

¹² Na esiane saa be a obui no nti, Yudafo mpanyin no pɛɛ se wɔkyere no, efise wuhuu se wɔn ho asem na ɔreka no a ekyerɛ se, wɔne saa akuafo atirimɔdenfo no. Nanso na wosuro dɔm no. Eyi ma wogyaa no, na wofii hɔ kɔɛ.

Towtua Ho Asɛmmisa

¹³ Wɔsoma Farisifo ne Herodefo bi baa Yesu nkyɛn se wɔne no mmɛkasa, na wɔnam n’anom asem so anya no akyere no. ¹⁴ Wobisaa no se, “Kyerɛkyerɛfo, yenim se woyɛ ɔnokwafo a wotaa ka nokware. Nea onipa ka no ntumi nnan w’adwene. Afei wokyerɛkyerɛ nnipa Onyankopɔn akwan. Yɛpɛ se yebisa wo se, eye se woyi tow ma Roma Hempɔn Kaesare* anaa enye?”

¹⁵ Yesu huu wɔn adwemmɔne no kae se, “Adɛn nti na mosɔ me hwɛ, momfa sika a wɔde yi tow no bi nkyerɛ me, na mɛma mo mmuae.” ¹⁶ Wɔde maa no ma obisaa wɔn se, “**Hena mfonɛ ne nkyerɛw na ɛwɔ so?”**

* ^{12:14} Na eyɛ asɛde se ɔmanfo tua tow ma Romahene. Na towgye nsɔ ani koraa nti Yudafo no bi ampe se wobetua, efise na wogyɛ di se tow no tua no na ɛnye Roma den ma wodi ɔman no so.

Wobuae se, “Kaesare de.”

¹⁷ Yesu ka kyerεε wɔn se, “**Eno de momfa Kaesare de mma no, na momfa Onyankopɔn** de mma Onyankopɔn!”

Ne mmuae no maa wɔn ho dwiriw wɔn.

Owusɔre Mu Aware Ho Asεmmisa

¹⁸ Sadukifo a wɔka se owusɔre nni hɔ no baa ne nkyɛn bebisaa no se, ¹⁹ “Kyerεkyerεfo, Mose yεε mmara maa yɛn se, sε ɔbarima bi anwo na owu a, ne nuabarima mfa ne yere no kunabea na ɔne no nwo mma mma owufo no. ²⁰ Anuanom baason bi tenaa ase. Nea odi kan no waree yere a, ɔne no anwo na owui. ²¹ Nea ɔto so abien no nso waree okunafo no, na ɔno nso ankyε na owui a ɔne no anwo. Na nea ɔto so abiεsa no nso waree no a, ɔne no anwo na owui. ²² Eyi kɔɔ so kosii sε anuanom yi nyinaa waree ɔbea no, na ɔbea no nso wui. ²³ Nea yεpε sε yehu ne sε, owusɔre mu, sε wonya sɔre a, wɔn mu hena na ɔbea no bεyε ne yere?”

²⁴ Yesu buaa wɔn se, “**Mo mfomso a moyε** no fi nim a munnim Kyerεwsem no, ne Onyankopɔn tumi a ɔwɔ. ²⁵ **Sε** anuanom baason yi ne ɔbea no sɔre fi awufo mu a, wɔrenware; wɔbeyε sε abɔfo a wɔwɔ ɔsoro no. ²⁶ **Afei nea** εfa awufo nyan no ho nso, monkenkan Mose nhoma no mu asem a εfa Mose ne nwura a na εhyew no ho da? Onyankopɔn ka kyerεε Mose sε, ‘Mene Abraham Nyankopɔn, Isak Nyankopɔn ne Yakob Nyankopɔn.’ ²⁷ **Na Onyankopɔn** reka akyerε Mose se, εwɔ mu sε saa nnipa yi awuwu mfe pii a atwam no de, nanso wɔte ase. Ente saa a anka ɔrenka se ɔyε atasefo Nyankopɔn, na ɔnyε awufo Nyankopɔn. Moayε mfomso kεse.”

²⁸ Kyerεwsem no akyerεkyerεfo no mu baako a ogyina hɔ retie no huu sε, wabua wɔn sɛnea εfata no, obisaa no se, “Mose mmaransεm no mu nea εwɔ he na εkyɛn ne nyinaa?”

²⁹ Yesu buaa no se, “**Nea** EkyeN ne nyinaa ne nea Eka se, ‘Israel, tie! Awurade, yeN NyankopɔN ye Awurade koro; ³⁰ **na dɔ** Awurade wo NyankopɔN fi wo koma ne wo kra ne w’adwene ne w’ahɔɔden nyinaa mu,’ no. ³¹ **Na nea** eto so abien no ne: ‘Dɔ wo yɔnko sɛ wo ho.’ MmaransɛM bi nni hɔ a EkyeN eyinom.”

³² KyerɛwsɛM no kyerɛkyerɛfo no buaa no se, “Owura, woaka nokware sɛ, OnyankopɔN baako pɛ na ɔwɔ hɔ, na obi foforo nka ne ho, ³³ na minim nso sɛ, sɛ mɛdɔ no afi me koma ne m’adwene ne m’ahɔɔden nyinaa mu, na mɛdɔ me yɔnko sɛ me ho no, sen afɔre biara a wɔbɔ.”

³⁴ Yesu huu sɛ wabua asɛM no nyansa mu no, ɔka kyerɛɛ no se, “**Wo ne OnyankopɔN** ahenni ntam kwan nware.” Na saa asɛM yi akyi no, obi antumi ammisa no asɛM biara bio.

Onipa Ba No Ho Asɛmmisa

³⁵ Bere bi a Yesu rekyerɛkyerɛ wɔ asɔredan mu no, obisaa nnipa no se, “**AdɛN** na KyerɛwsɛM no akyerɛkyerɛfo no ka se, ɛsɛ sɛ Agyenkwa no ye ɔhene Dawid ba? ³⁶ **Efisɛ** Dawid ankasa nam Honhom Kronkron mu kae se,

“**Awurade ka kyerɛɛ** me wura se:

“**Tena me nifa so kosi sɛ** mede w’atamfo bɛyɛ wo nan ntiaso.””

³⁷ **Sɛ** Dawid frɛ no ‘Awurade’ a, ɛyɛɛ dɛN na Kristo no ye ne ba?”

ɔkwan a ɔfaa so kasaa no maa nnipa no de anigye tiee no.

Mmara Akyerɛkyerɛfo No Kɔkɔbɔ

³⁸ Bere bi a nnipakuw bi de anigye retie Yesu no, ɔka kyerɛɛ wɔN se, “**Monhwɛ** mo ho yiye wɔ KyerɛwsɛM no akyerɛkyerɛfo ho! Wɔhyɛ ntade akɛsɛ sɛ asikafo

na sɛ wɔnam bagua mu a, wɔpɛ sɛ obiara a ohyia wɔn no de obu kyia wɔn. ³⁹ Sɛ wɔkɔ hyiadan mu a wɔtenatena mpanyin agua so, na sɛ wɔkɔ adidi ase a, wɔtena mpanyin tenabea. ⁴⁰ Wɔbɔ mpae atenten ma nnipa hu sɛ wɔresom Onyankopɔn, nanso wosisi akunafo. Eyi nti wobonya asotwe a emu yɛ duru.”

ɔbea Kunafo Bi Afɔrebɔ

⁴¹ Da bi a Yesu kɔɔ asɔredan mu no, ɔkɔtenaa afɔrebɔ adaka a esi hɔ no anim hwɛɛ sɛnea nkurɔfo no de sika regu adaka no mu. Asikafo no de sika a ɛdɔɔso guu mu. ⁴² ɔbea kunafo hiani bi nso bae, na ɔde sika nketewa abien beguu mu.

⁴³ ɔfrɛɛ n’asuafo no baa ne nkyɛn ka kyerɛɛ wɔn se, “Saa ɔbea kunafo hiani yi afɔre a ɔbɔe no dɔɔso sen asikafo no nyinaa afɔrebɔde. ⁴⁴ Na wɔn nyinaa fi nea wɔanya ama abu wɔn so no mu na woyiyii bi de bae, na ɔbea yi de, ofi ne hia mu de nea ɔwɔ nyinaa na abegu mu no.”

13

Asɔredan No Sɛe Ne Awieimmere No Nsɛnkyerɛnne

¹ Yesu refi asɔredan no mu hɔ no, n’asuafo no mu baako kae se, “Kyerɛkyerɛfo, adan yi yɛ fɛ papa. Hwɛ sɛnea wɔde abo asiesie afasu no.”

² Yesu ka kyerɛɛ no se, “Ɛyɛ nokware de, nanso wobedwiriw saa dan yi agu pasaa.”

³ Bere a ɔte Ngo Bepɔw no so a n’ani tua Yerusalem no, Petro, Yakobo, Yohane ne Andrea baa ne nkyɛn bebisaa no se, ⁴ “Bere bɛn na nea woreka fa asɔredan yi ho no bɛba mu. Na nsɛnkyerɛnne bi bedi kan aba ansa ana?”

⁵ Yesu buaa wɔn se, “Monhwɛ yiye na obi annaadaa mo. ⁶ Nnipa bebreɛ de me din bɛba abɛka se wɔne Agyenkwa no, na wɔadaadaa mo mu pii. ⁷ Akokoakoko

besisi mmaa nyinaa, nanso ɛnyɛ ɛno ne awiei no ho nsɛnkyerɛnne. ⁸ Aman bɛsɔre aman so, na ahenni asɔre ahenni so na asasewosow ne ɔkɔm bɛba mmeaemmeae. Eynom nyinaa bɛyɛ nneɛma a ɛyɛ hu a ɛbɛba no mfiase.

⁹ “Nanso sɛ eyinom fi ase sɛ ɛreba a, monhwɛ yiye! Mɔbɛkɔ ɔhaw akɛse mu. Esiane sɛ mudi m’akyi nti, wɔbɛtwe mo akɔ asennii; wɔbɛhwɛ mo wɔ asɔredan mu, na wɔaka nsɛm agu mo so wɔ ahemfo ne mpanyimfo anim. Saa bere no ne bere pa a ɛsɛ sɛ moka Asɛmpa no kyerɛ wɔn. ¹⁰ Na ɛsɛ sɛ Asɛmpa no di kan du ɔman biara so ansa na awiei no aba. ¹¹ Na sɛ wɔkyere mo de mo begyina asennii a, munninwene nea mɔbɛka de ayi mo ho ano ho. Monka nea Onyankopɔn bɛkyerɛ mo sɛ monka no. Na ɛnyɛ mo na mɔbɛkasa, na Honhom Kronkron no na ɔbɛkyerɛ mo nea monka.

¹² “Onua beyi onua ama sɛ wonkum no; agyanom nso beyi wɔn mma ama; mma nso beyi wɔn awofɔ ama sɛ wonkum wɔn. ¹³ Na esiane sɛ moyɛ me de nti, nnipa nyinaa bɛtan mo. Nanso wɔn a wobegyina pintinn akodu awiei no, wobegye wɔn nkwa.

¹⁴ “Enti sɛ muhu akyiwade a ɛbɔ ɔman wɔ asɔredan mu hɔ a, ɔkenkanfo, hwɛ yiye! Wɔn a wɔwɔ Yudea no nguan nkɔ mmɛpɔw no so. ¹⁵ Wɔn a wɔwɔ wɔn afi mu no nguan a wɔnnsan nnkɔ fie hɔ bio nkɔfa biribiara mmfi hɔ. ¹⁶ Wɔn a wɔwɔ mfuw mu no nso nnsan wɔn akyi mmɛfa sika anaa ntama wɔ fie. ¹⁷ Na wɔn a wɔafa afuru ne wɔn a woturu mma saa bere no mu no nnue. ¹⁸ Na mommɔ mpae na bere a ɛsɛ sɛ muguan no anyɛ awɔw bere. ¹⁹ Na ahohia a ɛbɛba saa mmere no mu no, efi bere a Onyankopɔn bɔɔ ade no bi nsii da, na bi nso rensi da.

²⁰ “Gye sɛ Awurade twa saa amanehununu no so, anyɛ saa a ɔkra baako koraa rentena ase. Nanso esiane wɔn a wɔayɛ wɔn no nti, obetwa nna no so. ²¹ Na sɛ obi ka kyerɛ mo se, ‘Agyenkwa no ni’ a, mummmua. ²² Atoro

agyenkwanom ne atoro adiyifo bεsɔre wɔ mo mu na wɔayɛ anwonwade ahorow, na sɛ ebetumi a, wɔadaadaa Onyankopɔn no ankasa ara mma. ²³ Monhwɛ yiye, efisɛ maka biribiara akyerɛ mo!

²⁴ “Ahoia no akyi no,
“‘owia beduru sum,
na ɔsram renhyerɛn,
²⁵ na nsoromma bɛtetew ahwe,
na wɔbɛwosow wim abɔde ahorow no.’

²⁶ “Na nnipa nyinaa behu me, Agyenkwa no, sɛ mede tumi ne anuonyam nam omununkum mu reba. ²⁷ Na mɛsoma m’abɔfo akɔ wiase mmaa nyinaa, fi ɔsoro ano akɔka asase ano, na wɔabɛboaboa wɔn a mayi wɔn no ano.

²⁸ “Afei munsua biribi mfi borɔɔma dua no ho asɛm no mu. Sɛ eyi mman foforo, san yi nhaban foforo a, na ɛkyerɛ sɛ asusow abɛn. ²⁹ Sɛ muhu sɛ saa nneɛma yi a maka ho asɛm akyerɛ mo yi nyinaa afi ase resisi a, mubehu sɛ me ba a mɛsan aba no abɛn. ³⁰ Nokware mise mo sɛ, awo ntoatoaso yi rentwa mu, gye sɛ saa nneɛma yi nyinaa aba mu ansa. ³¹ ɔsoro ne asase betwa mu akɔ, nanso me nsɛm de, ɛrentwa mu da.

³² “Nanso da anaa dɔn ko a awiei no bɛba de, obiara nnim. ɔsoro abɔfo ne me ankasa mpo nnim. Agya no nko ara na onim. ³³ Esiane sɛ munnim bere ko a asɛm yi besi nti, munsiesie mo ho. Monwɛn, ntwɛn me ba no. ³⁴ Me ba no te sɛ ɔbarima bi a otuu kwan kɔɔ ɔman foforo bi so. ɔrebɛkɔ no, ɔkyɛɛ adwuma maa ne nkoa. Na ɔka kyerɛɛ ne ɔwɛmfɔ nso se, ɔnwɛn hɔ yiye nkosi sɛ ɔbɛba.

³⁵ “Enti mo nso monwɛn, efisɛ munnim bere ko a ofiwura no bɛba. Ebetumi aba sɛ ɔbɛba anwummere, ɔdasu mu, ahemadake anaa awia. ³⁶ Sɛ ofu mu ba a, ɛnsɛ sɛ ɔbɛto mo sɛ moadedda. ³⁷ Asɛm a mede agyaw mo ne nnipa nyinaa ni. ‘Monwɛn!’”

14

Wɔbɔɔ Yesu Ho Pɔw

¹ Aka nnaanuu na Twam* ne Apiti Afahye a eyɛ Yudafo ahomegye nna no adu no, asɔfo mpanyin ne Kyerɛwsem no akyerɛkyerɛfo no hwehwɛɛ nyansa kwan a wɔbɛfa so akyerɛ Yesu, akum no. ² Nanso wɔkae se, “Yɛrenkyere no afahye no mu, anyɛ saa a ɛde basabasaye bɛba ɔman no mu.”

Wɔsra Yesu Ngo Wɔ Betania

³ Yesu wɔ Betania na ɔne Simon kwatani redidi no, ɔbea bi a okura ngo huamhuam bi a ne bo yɛ den baa hɔ. Otuu ano, hwie guu Yesu tirim.

⁴ Nea ɔbea yi yɛɛ no anyɛ nnipa a wɔte adidii no mu bi dɛ. Na wɔkae se wasɛɛ ngo no kwa. ⁵ Wɔkaa bio nso se, “Anka wobetumi atɔn ngo huamhuam yi anya sika pii na wɔde ama ahiafo.”

⁶ Nanso Yesu ka kyerɛɛ wɔn se, “**Munnyaa no! Adɛn nti na morehaw no wɔ ade pa a ɔyɛɛ no ho?** ⁷ **Mo ne ahiafo a mubetumi aboa wɔn bere biara mu na ɛte.** Na me de, merenkyɛ wɔ mo nkyɛn. ⁸ **Wayɛ** nea obetumi. Wadi kan asra me nipadua ama da a wobesie me. ⁹ **Mereka akyerɛ** mo se, baabiara a wɔbɛka asɛmpa no wɔ wiase no, wɔde nea ɔbea yi yɛɛ no bɛkae no akamfo no.”

Yuda Pene So Sɛ Obeyi Yesu Ama

¹⁰ Afei Yuda Iskariot, asuafo dumien no mu baako, kɔɔ asɔfo mpanyin no nkyɛn ne wɔn kɔhyehyɛɛ sɛnea obeyi Yesu ama wɔn no ho. ¹¹ Asɔfo mpanyin no tee asɛm no, eyɛɛ wɔn anigye ma wɔhyɛɛ no bɔ. Efi saa bere no,

* 14:1 eyɛ afahye bi a wɔde kae bere a Awurade bɔfo betwaa mu faa Hebrifo anim na okunkum wɔn abakan sɛnea ɔyɛɛ wɔ Misraimfo afi mu no. (Hwɛ 2 Mose 12.11)

ɔhwewhɔɛ sɛnea obenya Yesu ho kwan, ayi no ama bere a ɛɛ mu.

Yesu Ne N'asuafo Adidi A Etwa To

¹² Apiti Afahyɛ no da a edi kan a wokum Twam Afahyɛ guan no, n'asuafo bisaa no faako a wɔbɛkɔ akodi Twam Afahyɛ no.

¹³ Ɔsoma n'asuafo no mu baanu kɔɔ Yerusalem se wonkosiesie baabi mma no. Nea ɔka kyerɛɛ wɔn ne sɛ, **“Morekɔ** kurow no mu a, mubehyia onipa bi a ɔso ahina. Munnɩ n'akyi. ¹⁴ **Baabiara a obewura no, monka nkyerɛ** ofiwura no se, ‘Yɛn wura asoma yɛn se, yɛmmɛhwɛ dan a wɔasiesie ama yɛn a yebedi Twam Afahyɛ no wɔ mu no.’ ¹⁵ **Ɔbɛkyerɛ** mo abansoro asa kɛse bi a wɔasiesie mu. ɛhɔ na monyɛ ahoboa mma yɛn.”

¹⁶ Asuafo baanu no sii mu kɔɔ kurow no mu, na wohuu biribiara sɛnea Yesu ka kyerɛɛ wɔn no pɛpɛɛpɛ, na wosiesie Twam no wɔ hɔ.

¹⁷ Eduu anwummere no, Yesu ne dumien no bae. ¹⁸ Na wɔte hɔ redidi no, Yesu kae se, **“Merema mo ate ase sɛ,** mo a me ne mo reto nsa adidi yi mu baako beyi me ama.”

¹⁹ Wɔn nyinaa werɛ howee, na wofii ase bisaa mmaako mmaako se, “ɛyɛ me ana?”

²⁰ Obuaa wɔn se, **“ɛyɛ** mo dumien a mo ne me reto nsa adidi yi mu baako. ²¹ **Onipa Ba no rekɔ** sɛnea wɔakyerɛw afa ne ho de, nanso onipa a obeyi no ama no, nnue! Sɛ wɔanwo saa onipa no mpo a, anka eye!”

Adidi Kronkron Abɔse

²² Bere a wɔredidi no, Yesu faa brodo, na ohyiraa so bubui, na ɔde maa wɔn kae se, **“Munnye nni; eyi ne me nipadua.”**

²³ Afei ɔfaa kuruwa a nsa wɔ mu, na ɔdaa ase no, ɔde maa wɔn, na wɔn nyinaa nom bi.

²⁴ Na ɔka kyerɛɛ wɔn se, “Eyi ne me mogya a eyɛ apam no mogya a ehyɛ Apam Foforo no mu den a bebreɛ nti wɔrehwie agu. ²⁵ **Mereka akyerɛ** mo se, merennom saa nsa yi bio da akosi da a me ne mo benom bi bio wɔ Onyankopɔn Ahenni no mu.”

²⁶ Wɔtoo dwom wiee no, wofii hɔ kɔɔ Ngo Bepɔw no so.

Yesu Hyɛ Pa A Petro Bɛpaw No No Ho Nkɔm

²⁷ Woduu nea wɔrekɔ no, Yesu ka kyerɛɛ wɔn se, “**Mo nyinaa beguan agya me.**” Efisɛ Onyankopɔn nam adiyifo no so kae se,

“**Mɛbɔ** oguanhwɛfo no,
na nguan no abɔ apete.’

²⁸ **Na sɛ** miwu sɔre a, medi mo anim akɔ Galilea akohyia mo wɔ hɔ.”

²⁹ Petro ka kyerɛɛ no se, “Sɛ nnipa nyinaa beguan agya wo a, me de, merenguan nnya wo da!”

³⁰ Yesu ka kyerɛɛ no se, “**Petro, nokware, anadwo yi, ansa na akokɔ** bɛbɔn mprenu no, na woapa me mprensɛna.”

³¹ Petro de anibere kae se, “Merempa wo da! Sɛ ɛsɛ sɛ me ne wo wu mpo a, merempa wo da!” Saa ara na wɔn a aka no nyinaa nso kae.

Yesu Bɔ Mpae Wɔ Getsemane

³² Yesu ne n’asuafo no duu faako a wɔfrɛ hɔ Getsemane no, ɔka kyerɛɛ n’asuafo no se, “**Montena ha, na merekɔbɔ** mpae aba.” ³³ ɔfaa Petro, Yakobo ne Yohane kaa ne ho, na ne ho fii ase yeraw no, na ɔyɛɛ basaa. ³⁴ ɔka kyerɛɛ wɔn se, “**Awerɛ**chow ahyɛ me kra ma. Montena ha, na mo ne me nwɛn.”

³⁵ ɔkɔɔ n’anim kakra, kobutuw fam, bɔɔ mpae se, sɛ ebetumi a, saa ahoyeraw no ntwɛ ne ho nkɔ. ³⁶ ɔkae se, “**Abba, Agya! Wutumi yɛ** biribiara. Ma kuruwa yi ntwɛ

me ho nkɔ. Nanso nea wopɛ na ɛnyɛ hɔ, na ɛnyɛ nea mɛpɛ.”

³⁷ Ɔsan bae no, obehuu asuafo baasa no sɛ wɔɔdeda. Obisaa Petro se, “**Simon, woada? Woantumi ne me anwɛn** dɔnhwerew baako pɛ mpo? ³⁸ **Monwɛn** na mommɔ mpae na ɔsɔhwɛfo no anni mo so. Honhom no pɛ de, nanso ɔhonam no yɛ mmerɛw.”

³⁹ Ɔsan kɔɔ bio kɔbɔɔ mpae koro no ara. ⁴⁰ Ɔsan baa wɔn nkyɛn bio behuu sɛ wɔɔdeda, efisɛ na wɔɔbrɛbrɛ. Na wonhu nea wɔnka nkyɛrɛ no.

⁴¹ Ɔsan baa ne mprensa so no, obisaa wɔn se. “**Moda so adeda a morehome? Bere a** ɛsɛ sɛ mode da no atwa mu. Wɔrebeyi me ahyɛ nnebɔneyɛfo nsa. ⁴² **Monsɔre** na yɛnkɔ! Monhwɛ, nea ɔreyi me ama no na ɔreba no!”

Wɔkyere Yesu

⁴³ Ogu so rekasa no, Yuda a ɔyɛ n’asuafo no mu baako ne dɔm a asɔfo mpanyin ne Yudafo mpanyin asoma wɔn ka ne ho a, wokurakura mfoa ne nkontimmaa baa hɔ.

⁴⁴ Na Yuda aka akyerɛ wɔn dedaw se, “Nea mɛfew n’afono no; ɔno ne nea morehwehwɛ no no. Monkyere no, na munso ne mu yiye mfa no nkɔ.” ⁴⁵ Yuda kɔɔ Yesu nkyɛn kɔkae se, “Me Wura.” Afei ofew n’afono, yɛɛ no atuu. ⁴⁶ Ɛhɔ ara, na dɔm a wɔne Yuda nam no soo Yesu mu kyeree no. ⁴⁷ Wɔn a wɔka Yesu ho no mu baako twee n’afoa de twaa ɔsɔfpanyin no akɔa bi aso ma ɛtewee.

⁴⁸ Yesu bisaa wɔn se, “**Meyɛ** owudifo nti na mode afoa ne nkontimmaa aba me so rebɛkyere me ana? ⁴⁹ **Adɛn** na bere a merekyerɛkyerɛ wɔ asɔredan mu hɔ no, moankyere me? Nanso eyinom nyinaa aba sɛnea ɛbɛyɛ a nkɔm a wɔhyɛɛ wɔ me ho no bɛba mu.” ⁵⁰ Asuafo no nyinaa guan gyaa no.

⁵¹ Aberante bi a ɔde nwera akata n’adagyaw so dii n’akyi. ⁵² Dɔm a wɔbɛkyeree Yesu no pɛɛ sɛ wɔkyere

no, nanso ogyaw ne ntama no maa wɔn, de ne ho saa ara guanee.

Yesu Gyina Ɔsɔfpanyin Anim

⁵³ Wɔde Yesu kɔɔ Ɔsɔfpanyin no anim no, ankyɛ na asɔfo mpanyin ne Yudafo mpanyin bi behyiaa hɔ. ⁵⁴ Bere a wɔde Yesu rekɔ no, Petro tew ne ho dii wɔn akyi, na owiawiaa ne ho kɔhyɛɛ Ɔsɔfpanyin no fi hɔ de ne ho kɔfraa asomfo bi a na wɔreto gya no mu.

⁵⁵ Asɔfo mpanyin ne baguafo no nyinaa hwehwɛɛ sɛ wobonya asɛm bi atia Yesu, na wɔagyina so abu no kumfɔ. Nanso wɔannya bi. ⁵⁶ Nnipa pii bedii adansekurum tiaa Yesu, nanso wɔn nsɛm a wɔkaa no bɔɔ abira.

⁵⁷ Afei nnipa no bi kekaa nsɛm a enni mu too ne so se, ⁵⁸ “Yɛtee sɛ ɔkae se, ‘Mebubu asɔredan a wɔde nsa na esii no, na mede nnansa asi foforo a wɔamfa nsa ansi!’” ⁵⁹ Na eyi mpo, wɔn adanse no anhyia.

⁶⁰ Ɔsɔfpanyin no sɔre gyinaa bagua no mfimfini bisaa Yesu se, “Eyi nso, wunni ho anoyi biara? Dɛn na wowɔ ka?”

⁶¹ Yesu ammua no. Afei, Ɔsɔfpanyin no bisaa no bio se, “Wone Agyenkwa no, Onyankopɔn Ba no ana?”

⁶² Yesu buaa no se, “**Mene no, na mubehu me** sɛ mete Onyankopɔn nifa, na menam omununkum mu resan aba asase so.”

⁶³ Eyi maa Ɔsɔfpanyin no sunsuan n’atade mu kae se, “Nnansefo bɛn na wɔn ho hia yɛn bio? ⁶⁴ Mo nyinaa ate abususem a ɔkae no. Dɛn na mowɔ ka?”

Wɔn nyinaa gye too mu se, ɔsɛ owu. ⁶⁵ Na ebinom tee ntasu guu no so, na wɔkyekyeree n’ani, na wɔbobɔɔ no akuturuku bisaa no se “Wuse woyɛ odiyifo, kyerɛ yɛn onipa ko a ɔbɔɔ wo!” Na asomfo a wɔde no rekɔ no bobɔɔ no asɔtɔre.

Petro Pa Yesu

⁶⁶ Bere a na Petro te adiwo hɔ no, ɔsɔfopanyin no mmaawa no mu baako baa hɔ; ⁶⁷ na ohuu Petro sɛ ɔreto gya no, ɔhwɛɛ no haa, ka kyerɛɛ no se, “Wo nso wo ne Nasareni Yesu no na ɛnam!”

⁶⁸ Petro sanee se, “Minnim nea woreka yi ho hwee!” Na ɛhɔ ara na ofii adi kɔtenaa ɔkwan no ano baabi. Saa bere no na akokɔ bɔn nea edi kan.

⁶⁹ Abaawa no san huu no wɔ hɔ no, ɔka kyerɛɛ wɔn a ɔne wɔn nam no se, “Oyi nso ka wɔn ho. ɔyɛ Yesu asuafo no mu baako!”

⁷⁰ Petro san bio. ɛkyɛɛ kakra no, nnipa a wogyina ogya no ho no fii ase ka kyerɛɛ Petro se, “Woka wɔn ho, efisɛ woyɛ Galileani!”†

⁷¹ Petro fii ase kekaa ntam, dii nsew se, “Minnim saa onipa a moreka ne ho aɛm yi.”

⁷² Mpɔfirim, na akokɔ bɔn nea ɛto so abien. Na Petro kaeɛ Yesu aɛm a ɔka kyerɛɛ no se, “**Akokɔ** remmɔn mprenu na woapa me mprɛnsa” no. Na ofii ase sui.

15

Yesu Gyina Pilato Anim

¹ Ade kyee anɔpatutuutu no, asɔfo mpanyin, Yudafo mpanyin, Kyerɛwɛɛm no akyerɛkyerɛfo ne agyinatufɔ hyia dweneɛ ɔkwan a wɔde Yesu bɛfa so ho. Wɔkyekyeree no de no kɔhyɛɛ Pilato nsa.

² Wɔde no duu hɔ no, Pilato bisaa no se, “Wone Yudafo hene no ana?”

Yesu buae se, “**Mo na muse.**”

³ Asɔfo mpanyin no kaa nɛm akɛɛakɛɛ guu no so, nanso wanka hwee. ⁴ Pilato bisaa no bio se, “Enti nɛm akɛɛakɛɛ a wɔreka gu wo so yi, wonka ho hwee?”

† 14:70 Petro kasa na ɛdaa no adi sɛ ɔyɛ Galileani na kɔ a ɔkɔtɔɔ Yudafo mu wɔ adiwo hɔ no na ɛma wohuu sɛ ɔyɛ Yesu akyidini.

⁵ Nanso Yesu anka hwee ma eyee Pilato nwonwa.

⁶ Na eye Pilato amanne se, afe biara ogyaa odeduani baako a oman no pe se wogyaa no ma won no wo Twam Afahye mu. ⁷ Saa afe no na onipa bi a wofre no Baraba ka nnipa bi a wosore tiaa aban, nam so dii awu no ho wo afiase ho. ⁸ Dom no koo Pilato so koka kyeree no se, onyi odeduani baako mma won senea daa oye no.

⁹ Pilato bisae se, “Minyi ‘Yudafo Hene’ no mma mo ana?” ¹⁰ Efise na wahu se asofo mpanyin no de otan na atwa asem ato Yesu so esiane din a na wagye no nti. ¹¹ Nanso asofo mpanyin no tuu dom no aso se, se wode beyi Yesu de, wompere mma wonyi Baraba.

¹² Enti Pilato bisaa won se, “Na se miyi Baraba ma mo a, den na menyee saa obarima yi a mofre no mo hene no?”

¹³ Woteeteese mu se, “Bo no asennua mu!”

¹⁴ Pilato bisaa won bio se, “Ade nti? Bone ben na waye?”

Won nyinaa bo gyee so se, “Bo no asennua mu!”

¹⁵ Afei Pilato huu se oye asem no ho hwee a, erenyee ye. Bio, na osuro nso se, se anhwae a basabasaye beba nti, ogyaa Baraba maa won. Oboko Yesu mmaa, na eno akyi no, ode no maa won se wonkoko no asennua mu.

Yesu Ho Fewdi

¹⁶ Asraafo no de Yesu koo amrado aban mu ho, na wofree asraafo no nyinaa baa ho. ¹⁷ Wohyee no batakari kooko bi, de nsode atenten bi nwenee kyew hyee no. ¹⁸ Wofii ase bo gyee so, dii ne ho few se, “Yudafo hene, wo nkwa so!” ¹⁹ Wode abaa paa n’apampam, tetee ntsu guu no so, buu no nkotodwe, de dii ne ho few. ²⁰ Wodii ne ho few wiee no, wovorow batakari kooko no, na wode ono ara n’atade hyee no, de no koo se worekoko no asennua mu.

Woko Yesu Asennua Mu

²¹ Wɔreko no, wohyiaa ɔbarima bi a wɔfrɛ no Simon a ofi Kirene a ɔyɛ Aleksandro ne Rufo agya wɔ ɔkwan so. Wɔhyɛɛ no ma ɔsoaa Yesu asennua no. ²² Wɔde Yesu baa baabi a wɔfrɛ hɔ se Golgota, a ne nkyerɛase ne Nitiri so, hɔ. ²³ Eho na wɔmaa no nsa nwenweenwen bi se ɔnnom, nanso wannom. ²⁴ Afei wɔbɔɔ no asennua mu. Eyi akyi, wɔbɔɔ n'atade no so ntonto.

²⁵ Ebeɛɛ anɔpa nnɔnkron na wɔbɔɔ no asennua mu. ²⁶ Asem bi a wɔka too no so na wɔkyerɛw taree n'asennua no atifi ka se,

“YUDAFO HENE NO NI.”

²⁷ Da no ara anɔpa, wɔbɔɔ awudifo baanu bi asennua mu kaa Yesu ho. Na ɔbaako sen ne nifa so, na ɔbaako nso sen ne benkum so. ²⁸ Eyi maa nea Kyerɛwsɛm no kae se, “Wɔkan no fraa nnebɔneyɛfo mu” no baa mu. ²⁹ Nnipa a wɔsen faa hɔ no nyinaa wosowosow wɔn ti, dii ne ho fɛw se, “Ei, wo ni? Eɛnyɛ wo na wuse wubetumi abubu asɔredan na wode nnansa asi no? ³⁰ Sɛ wuse wo ho ye nwonwa a, eno de sian fi asennua no so si fam.” ³¹ Saa bere no na asɔfo mpanyin ne Kyerɛwsɛm no akyerɛkyerɛfo no nso atwa ahyia hɔ redi Yesu ho fɛw. Wɔkɔɔ so dii ne ho fɛw se, “Ogye afoforo nanso ontumi nnye ne ho!” ³² Wɔkɔɔ so dii ne ho fɛw bio se, “Agyenkwa! Yudafo hene! Sian fi asennua no so si fam, na yennyɛ wo nni!” Awudifo a wɔbɔɔ wɔne Yesu asennua mu no mpo dii ne ho fɛw bi.

Yesu Wu

³³ Efi owigyinae kɔpem nnɔnabiɛsa no, sum duruu asase no so nyinaa. ³⁴ Yesu de nne kɛse teɛɛ mu se, “*Eli, Eli, lama sabaktani?*” Ase ne sɛ, “*Me Nyankopɔn, Me Nyankopɔn, adɛn nti na woagyaw me?*”

³⁵ Wɔn a wogyina hɔ no bi a wɔtee nea ɔkae no kae se, “Muntie sɛ ɔfrɛ Elia.”

³⁶ Wɔn mu baako tuu mmirika, kɔfaa sapɔw bi de bɔɔ nsa nwenweenwen bi mu de tuaa dua bi ano, de brɛɛ Yesu sɛ ɔnnom. ɔkae se, “Momma yɛnhwɛ sɛ Elia bɛba abeyi no asi fam ana!”

³⁷ Yesu de nne kɛse teɛɛ mu bio, na ogyaa ne honhom mu wui.

³⁸ Ntama a etwa asɔredan no mu no mu suanee abien fi soro kosii fam.* ³⁹ Asraafo ha so panyin a na ogyina hɔ no huu ɔkwan a Yesu faa so wui no, ɔkae se, “Ampa ara, onipa yi yɛ Onyankopɔn Ba!”

⁴⁰ Saa bere no na mmea bi ginyinagina akyiri baabi rehwe nea ɛrekɔ so. Mmea no bi ne Maria Magdalene, Maria (a ɔyɛ Yakobo Kumaa ne Yosef na), ne Salome.

⁴¹ Bere a na Yesu wɔ Galilea no, saa mmea yi dii n’akyi som no. Saa ara nso na na nnipa bi a wodii n’akyi baa Yerusalem no bi nso wɔ hɔ.

Yesu Sie

⁴² Eduu anwummere no, esiane sɛ na ade kye a ɛyɛ Homeda† no nti, ⁴³ baguani nuonyamfo bi a wɔfrɛ no Yosef, a ofi Arimatea a na ɔretwɛn Onyankopɔn ahenni no de akokoduru kɔɔ Pilato hɔ kɔsrɛɛ no se, ɔmfa Yesu amu no mma no. ⁴⁴ Bere a Pilato tee sɛ Yesu awu no, wannye anni, enti ɔfrɛɛ Roma asraafo panyin a na ɔhwɛ hɔ no bisaa no. ⁴⁵ Asraafo panyin no kae se wawu no, Pilato maa Yosef kwan se ɔnkɔfa amu no. ⁴⁶ Yosef kɔtɔɔ nwera, yii Yesu amu no fii asennua no so, de nwera no kyekyeree no, ɔde no kɔtoo ɔboda bi a wɔatwa mu, pirew

* 15:38 Ntwamtam no twa Kronkronbea ne Kronkron Mu Kronkron no mu (2 Mose 26.31-35). Ntwamtam no mu tew a ɛtewee no kyerɛ sɛ Kristo kɔ ɔsoro ma yɛn sɛnea ɛbɛma yɛn nso yɛapue wɔ Onyankopɔn anim. † 15:42 Na ɛyɛ Fida a saa bere no na owigyinae atwa mu na ɛho hia yiye sɛ woyi Yesu amu no fi asennua no so ansa na onwini adwo na ama wɔafi Homeda no ase.

ɔbo kɛsɛ bi hini ano. ⁴⁷ Na Maria Magdalene ne Yosef ne na Maria wɔ hɔ bi, na wohuu faako a wɔde Yesu amu no toe.

16

Yesu Asɔre

¹ Ade kyee a Homeda no twaa mu no, Maria Magdalene ne Salome ne Yakobo na Maria kɔtɔɔ nnuhuam se wɔde rekɔ akɔsra Yesu amu no. ² Da a edi nnaawɔtwe no kan anɔpahema no, ansa na owia bepue no, wɔde nnuhuam no baa ɔda no so. ³ Wɔnam ɔkwan so rekɔ no, na wɔredwene nea ɛbɛyɛ a wobepirew ɔbo no afi ɔda no ano no ho.

⁴ Nanso wɔreyɛ adu hɔ no, wɔmaa wɔn ani so hui sɛ, obi apirew ɔbo kɛsɛ no afi ɔda no ano. ⁵ Wɔkɔɔ ɔda no mu kohuu aberante bi sɛ ɔhyɛ atade fitaa te nifa so hɔ. Wohuu no no, wɔbɔɔ piriw.

⁶ Nanso aberante no ka kyerɛɛ wɔn se, “Munnsuro. ɛnyɛ Nasareni Yesu a wɔbɔɔ no asennua mu no na morehwehwe no no? Onni ha! Wasɔre! Monhwe faako a wɔde no too hɔ! ⁷ Afei monkɔ na monkɔka eyi nkyerɛ n’asuafo no ne Petro se, ‘Yesu redi mo anim akɔ Galilea. ɛhɔ na mubehu no, sɛnea ɔka kyerɛɛ mo ansa na ɔrewu no!’”

⁸ Mmea no de hu ne ahopopo guan fii hɔ a, na obiara ntumi ne ne yɔnko nkasa.

Yesu Yi Ne Ho Adi Kyerɛ Maria Magdalene

⁹ Kwasida anɔpa na Yesu sɔre fii awufo mu. Onipa a oyii ne ho adi kyerɛɛ no kan ne Maria Magdalene, ɔbea a otuu ahonhommɔne ason fii ne mu no. ¹⁰ Maria Magdalene kɔɔ asuafo no nkyɛn kohuu wɔn sɛ wɔn werɛ ahow, na wɔresu. ¹¹ ɔka kyerɛɛ wɔn se, wahu Yesu na ɔte ase. Nanso wɔannye no anni.

Yesu Yi Ne Ho Adi Kyere Asuafo Baanu

¹² Akyiri no, Yesu yii ne ho adi kyere wɔn mu baanu a wɔnam fi Yerusalem rekɔ akuraa, nanso wohuu no no, mfiase no, wɔantumi anhu se eye ɔno, efise na wasakra.

¹³ Akyiri no a wohuu onipa ko a ɔye no, wotuu mmirika san baa Yerusalem, beka kyere nkae no, nanso obiara anye wɔn anni.

¹⁴ Akyiri no a asuafo dubaako no te adidii no, oyii ne ho adi kyere wɔn. ɔkaa wɔn anim wɔ gyidi a wonni ne gye a wɔanye wɔn a wɔbekaa se wasɔre no anni no ho.

Asomafo No Asempaka

¹⁵ Afei ɔka kyere wɔn se, “**Monkɔ** wiase nyinaa nkɔka asempa no nkyere nnipa nyinaa. ¹⁶ **Na obiara a ogye di na wɔbɔ** no asu no, wobegye no nkwa. Na obiara a onnye nni no, wobebu no fɔ. ¹⁷ **Saa ns**enkyerenne yi bedi wɔn a wogye me di no akyi. Wɔde me din betu ahonhommɔne, na wɔakasa kasa foforo. ¹⁸ **Wobeso awɔ** mu, na se wɔnom awuduru bi mpo a, erenye wɔn hwee; wɔde wɔn nsa begu ayarefo so, ama wɔn ho aye wɔn den.”

Yesu Sorokɔ

¹⁹ Awurade Yesu ne wɔn kasa wiee akyi no, wɔfaa no kɔɔ ɔsoro na ɔkɔtenaa Onyankopɔn nsa nifa so.

²⁰ Eyi akyi no, asuafo no kɔkaa asem no wɔ baabiara, na Awurade kaa wɔn ho ma wɔye nsenkyerenne ne anwonwade ahorow nso, de hye wɔn nsem a wɔkae no mu den.

Biblica® Wonhia ɛho kwamma nhoma Asante Twi Nkwa
Asɛm™
Twi: Biblica® Wonhia ɛho kwamma nhoma Asante Twi Nkwa
Asɛm™ (Bible)

copyright © 2020 Biblica, Inc.

Language: Asante Twi (Twi)

Dialect: Asante

Translation by: Biblica, Inc.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at www.biblica.com and open.bible.” Notice of copyright must appear on the title or copyright page of the work as follows: Biblica® Open Asante Twi Contemporary Bible™

Copyright © 1996, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-06-30

PDF generated using Haiola and XeLaTeX on 29 Jan 2022 from source files dated 29 Jan 2022

14163569-3294-53ff-a970-30b3c0d1f237